



嘉興縣知縣黃訓

間言訓子有成

林郎嘉興府嘉

故敷錫之典

州之序

巨恩



孝也爾黃深乃浙江嘉興府

性溫恭敦行孝友鄉稱長者

爲時俊彥肇舉卹章增賁泉下詩贈爲

興縣知縣爾靈有知尙其歆服


勅曰賢才之興雖由父而資於母德亦多矣

父母均焉爾殷氏乃浙江嘉興府嘉興縣知縣

順以相夫慈能成子雖祿養弗逮而懿行足徵宜有

茲特贈爲孺人卹典旣隆孝思良慰

年十一月二十三日聖用



縣知縣進階文林郎黃訓皆配贈孺人胡氏封

胡氏敕命

奉天承運皇帝勅曰朝廷歸長民之託於縣令令近民休
戚關之所責攸重朕恒以得人爲難爾浙江嘉興府嘉興
縣知縣黃訓蔚以科甲之彥作宰鉅邑乃能持廉秉公吏
畏民懷有遺愛焉是以一章交上六譽著聞朕甚嘉之茲
特進爾階文林郎錫之勅命爾其虔膺六訓益懋深修國
有此朕不爾靳欽哉

勅曰國之衰錫羣臣爰及

良以勞瘁相承致有通竅

故於其沒恩罔遺焉爾浙江嘉興府嘉興縣知縣黃訓妻
胡氏配德君子弗克偕老可無卹命以旌往勞茲特贈爲
孀人尙賁幽泉克歆殊渥

勅曰古者禮重宗婦室必有繼故國家推封之典先後一
焉爾浙江嘉興府嘉興縣知縣黃訓繼室孫氏恪修婦道
克相其夫宜錫褒章以昭閭範茲特封爲孀人茂近寵恩
益敦儆戒

二年十一月二十三日敕命之寶

臚寺序班進階登仕郎黃錦勅命

理皇帝敕曰我國家稽古成周大賓卿之職爰樹

傳會以典儼禮國體攸繫故慎簡髦士屬之司儀

俾序班秩厥惟難哉鴻臚寺序班黃錦乃原任福建布政

使司右叅議華之孫太學生珙之子性質淳古克紹家

才猷練達足稱名士蚤習尚書尤攻文翰顧南宮之儲俊

真科甲之遺才朕特簡屬臚卿克修成典允飭朝儀頃若

四彝來賓爾乃勞儼贊時廩餼人能廣於綏柔德意朕甚

嘉之茲考上最宜錫寵褒特進爾偕登仕郎錫之敕命於

戲既令厥始圖惟厥心用錫爾芳譽乃光爾祖服中

嘉靖二十一年七月二十一日聖用救命之寶

贈直隸順天府宛平縣縣丞黃廷皓借配贈孫人鯨

氏救命

奉天承運皇帝勅曰自昔言孝曰立身揚名以顯父母夫

人子者孰不有是心哉然非効勞國家湛恩敷錫則其

所限而弗能以自遂矣爾黃廷皓


名

乃順天

涇縣丞黃子靜之父孝友淳誠鄉邦見重捐田贍族

可哲孔嗣興蜚聲仕籍固天道福善之報也茲特

命文林郎順天府宛平縣縣丞服我華綸永賁幽爰



比地恩臣下及其父並及其母者蓋母德因子以
走始足以遂其顯揚之心而慰其梧捲之慕也爾
鮑氏乃順天府宛平縣縣丞黃子靜之母淑懿在躬孝思
靡懈流祥衍慶逮爾嗣賢鼎養永霑良可憫悵茲特贈
孺人匪徒爲寵宥之榮亦以慰夫生者

嘉靖二十九年四月十六日璽用勅命之寶

直隸順天府宛平縣縣丞行授階文林郎黃子靜偕
配封孺人鄭氏敕命

奉天承運皇帝勅曰赤縣之衆甚於劇郡俗雜五方號稱

難治非材操兼茂之士抑曷以稱茲選哉爾順天府宛平

縣縣丞黃子靜

諱名

衣冠貴緒科第遺才簡授今官勞能

茂著頃所司上爾最課殊用褒茲特授爾階文林郎錫

之勅命夫修已斯可以治人篤近始克以舉遠自古致治

之道率不外是爾尙祇膺宏訓益勵操修朕有榮遷不爾

靳也欽哉

勅曰古之君子入無宴安之習出有委蛇之風豈非以其

賢交相儆戒耶恩不並及非所謂稱也爾順天府

縣丞黃子靜妻鄭氏懿質夙成徽音克嗣式相夫

土朝其敬順足徵已茲特封爲孺人既膺綸綍之
類繁之職

嘉靖二十九年四月十六日璽用勅命之寶

贈徵仕郎陽和衛經歷司經歷黃鳴鸚之父黃正福
偕配贈孺人羅氏封孺人韓氏敕命

奉天承運皇帝敕曰天之與善不必其身也至于再世屢
賞益明焉爾禮部儒士黃正福父陽和衛經歷司經歷黃
鳴鸚之父業擅探研性敦施予鄉有善人之目門多長者
之車爾子能官爾實啟之茲贈爾爲徵仕郎如子官式表

慶宗用華幽里

勅曰人子之啣恤父母均耳匪藉閔綸曷伸追慕爾羅氏
乃陽和衛經歷司經歷黃鳴鶚之母德齊燕傲惠啟熊祥
方承樛木之餘休已邁罄瓶之宿憫茲用贈爾孺人沒而
有知歆茲闡澤

勅曰士固有以養仕者若祿與壽而兼得之方人倫至矣
已爾韓氏乃陽和衛經歷司經歷黃鳴鶚之生母順以爲
能教乃西地展庸之日正北堂介壽之年茲用封
人祇服國章永綏家慶

魏郡太守文强府君傳

黃香字文强江夏安陸人也年九歲失母思慕憔悴殆不

免喪

免喪終喪

鄉人稱其至孝年十二太守劉護聞而召之署

門下孝子甚見愛敬香家貧內無僕妾躬執苦勤盡心奉

養遂博學經典究精道術能文章京師號曰天下無雙江

夏黃童初除郎中元和元年肅宗詔香詣東觀讀所未嘗

見書香後告休及歸京師時千乘王冠

千乘貞王伉章帝子也冠謂二十加冠也

帝會中山邸乃詔香殿下顧謂諸王曰此天下無雙江夏

黃童者也左右莫不改觀後召詣安福殿言政事拜尙書

郎數陳得失賞賚增加嘗獨止宿臺上晝夜不離省闕帝

聞善之永元四年拜左丞功滿當遷和帝留增秩六年累

遷尙書令後以爲東郡太守香上疏讓曰臣江淮孤賤愚

矇小生經學行能無可筭錄遭值太平先人餘福

謝承書香代爲冠族

葉令况之子也

得以弱冠特蒙徵用連階累任遂極臺閣訖無纖芥

再報恩効死誠不意悟卒被非望顯拜近郡尊位千里臣

授官則職無廢事因勞施爵則賢愚得宜臣香小

諸生典郡從政固非所堪誠恐矇頓孤忝聖恩又

首至爲尊要

謂尙書令

復非臣香所當久奉承詔驚

加裁臣香年在方剛適可驅使願乞餘恩留備冗

官賜以督責小職任之宮臺煩事以畢臣香螻蟻小志誠
瞑目至願土灰極榮帝亦惜香幹用久習舊事復留爲尙
書令增秩二千石賜錢三十萬是後遂筦樞機甚見親重
而香亦祗勤物務憂公如家十二年東平清河奏妖言卿
仲遼等所連及且千人香科別據奏全活甚衆每郡國疑
罪輒務求輕科愛惜人命每存憂濟又曉習邊事均量軍
政皆得事宜帝知其精勤數加恩賞疾病存問賜醫藥在

位多所薦達寵遇甚盛延光元年遷魏郡太守郡舊有內
外園田常與人分種收穀歲數千斛香曰田令商者不農
王制仕者不耕伐冰食祿之人不與百姓爭利乃悉以賦
人課令耕種時被水年饑乃分奉祿及所得賞賜班贍貧
者於是豐富之家各出義穀助官稟貸荒民獲全後坐水
潦事免數月卒於家所著賦牋奏書合凡五篇子瓊自有

傳

見後漢書晉范曄
著唐章懷太子註

司空邠鄉侯贈車騎將軍謚忠侯世英府君傳

世英江夏安陸人魏郡太守香之子也香在文苑

傳瓊初以父任為太子舍人辭病不就遭父憂服闋五府

俱辟連年不應永建中公卿多薦瓊者於是會稽賀純廣

漢楊厚俱公車徵瓊至綸氏稱疾不進

綸氏即夏之綸國少康之邑也竹書紀年云楚及秦伐鄭

綸氏今洛州故

嵩陽縣城是也

有司劾不敬詔下縣以禮慰遺遂不得已先是

徵聘處士多不稱望李固素慕於瓊乃以書逆遺之曰聞

已度伊洛近在萬歲亭豈即事有漸將順王命乎

萬歲亭在今洛州故

嵩陽縣西北武帝元封元年幸緹氏登太室聞山上呼萬歲聲者三因以名焉

蓋君子謂伯夷隘柳下惠不

恭故傳曰不夷不惠可否之間蓋聖賢居身之所珍也誠

遂欲枕山棲谷擬跡巢由斯則可矣若當輔政濟民今其

時也自生民以來善政少而亂俗多必待堯舜之君此為

志士終無時矣嘗聞語曰堯七者易缺皦七者易汙陽春

之曲和者必寡盛名之下其貨難副

宋玉對楚襄王問曰客有歌於郢中者為下里巴人

國中屬而和者數千人為陽春白雪屬而和者不過數百人是其曲彌高其和彌寡

近魯陽樊君被徵初至朝

廷設壇席猶待神明

樊君樊英也事具英傳

雖無大異而言行所守亦

而毀謗布流應時折減者豈非觀聽望深聲名太

頃徵聘之士胡元安薛孟嘗朱仲昭顧季鴻等其

無所採是故俗論皆言處士純盜虛聲願先生弘

命衆人歎服一雪此言耳瓊至即拜議郎稍遷尙

書僕射初瓊隨父在臺閣習見故事及後居職達練官曹

爭議朝堂莫能抗奪時連有災異瓊上疏順帝曰間者以

來卦位錯謬易乾鑿度日求卦主歲術常以太歲爲歲紀歲七十六爲一紀二十紀爲一部首即置積部首歲數加所入紀歲數以三十二

除之不足除者以乾坤始數二卦而得一歲未算即主歲之卦也寒煥相干蒙氣數興日闇月散蒙陰

闇也散謂不精明原之天意殆不虛然陛下宜開石室案河洛石室藏書

之府河洛圖書之文也外命史官悉條上永建以前至漢初災異與永

建以後訖於今日孰爲多少又使近臣儒者參考政事數

見公卿察問得失諸無功德者宜皆斥黜臣前頗陳災眚

并薦光祿大夫樊英太中大夫薛包及會稽賀純廣漢楊

厚未蒙御省伏見處士巴郡黃錯漢陽任棠年皆耄耆有

作者七人之志

論語曰作者七人注曰謂伯夷叔齊虞仲夷逸朱張柳下惠少連

宜更見引致助崇

大化於是有詔公車徵錯等三年大旱瓊復上疏曰昔魯

僖遇旱以六事自讓躬節儉閉女謁放讒佞者十三人誅

說民受貨者九人

春秋考異郵曰僖公之時雨澤不澍比於九月公大驚懼率羣臣禱山川以六過自讓緇女謁放下讒佞郭都之等

赤頭人之吏受貨賂趙祝等九人曰事在寡人方今天旱野無生稼寡姓何謗請以身塞無狀也 劉攽曰註郭都之等案文多一之字

退

天立大雨今亦宜顧省政事有所損闕務存質儉

聽尙方御府息除煩費明敕近臣使遵法度如有
以好惡數見公卿引納儒士訪以政化使陳得失

又囚徒尙積多致死亡亦足以感傷和氣招降災旱若改
敝從善擇用嘉謀則災消福至矣書奏引見德陽殿使中
常侍以瓊奏書屬主者施行自帝卽位以後不行籍田之
禮瓊以國之大典不宜久廢上疏奏曰自古聖帝哲王莫
不敬恭明祀增致福祥故必躬郊廟之禮親籍田之勤以
先羣萌率勸農功昔周宣王不籍千畝魏文公以爲大譏
卒有姜戎之難終損中興之名

國語曰宣王卽位不籍千畝魏文公
諫曰夫人之大事在農上帝之粢盛

于是乎出故稷爲大官古者太史順時覲土農祥晨正日月底于天廟先時九日太史告稷曰陽氣俱蒸土膏其動稷以告王王卽齋宮百官御事土耕一墾班三之庶人終於千畝王弗聽後師敗績于姜氏之戎發音扶發反

竊見陛下遵稽古之鴻業體虔肅以

應天順時奉元懷柔百神朝夕觸塵埃於道路晝暮聆庶

政以邇人雖詩詠成湯之不忘遑書美文王之不暇食誠

不能加

詩商頌曰不僭不濫不敢怠遑書曰又王至於日中昃不遑暇食也

今廟祀適闕而祈穀潔齋

之事近在明日臣恐左右之心不欲屢動聖躬以爲親耕

之禮可得而廢臣聞先王制典籍田有日司徒咸戒司空

兀時五日有協風之應王卽齋宮饗醴載耒誠重之

亡以來仍西北風甘澤不集寒涼尙結

西北風曰厲周風亦曰厲

昏東郊既不躬親先農之禮所宜自勉以逆和氣

風

五經通義曰八風者八卦之氣八風以時至則陰陽變化之道成萬物得以時育生之

易曰君子自強

不息斯其道也

乾卦象曰天行健君子以自強不息

書奏帝從之頃之遷尙書令瓊

以前左雄所上孝廉之選專用儒學文吏於取士之義猶有所遺乃奏增孝悌及能從政者為四科事竟施行又雄前議舉吏先試之於公府又覆之于端門後尙書張盛奏除此科瓊復上言覆試之作將以澄洗清濁覆實虛濫不宜改革帝乃止出為魏郡太守稍遷太常和平中以選入侍講禁中元嘉元年遷司空桓帝欲褒崇大將軍梁冀使

中朝二千石以上會議其禮特進胡廣太常羊溥司隸校

尉祝恬太中大夫邊韶等咸稱冀之勲德其制度賞賚宜

以此周公錫之山川土田附庸

許魯頌曰王曰叔父建爾元子俾侯于魯大啟爾宇為周室輔乃命魯公

俾侯于東錫之山川土田附庸注曰王成王也叔父周公也○劉攽曰正文以宜周公按以宜不成文理當作宜以

瓊獨廷議曰冀前

以親迎之勞增邑三千又其子胤亦加封賞昔周公輔相

成王制禮作樂化致太平是以大啟土宇開地七百

禮記明堂位曰

周公相武王以伐紂武王崩成王幼弱周公踐天子位以理天下七年致政于成王
王以周公有勳勞于天下是以封周公于曲阜地方七百里革車千乘命魯公世

公以天也今諸侯以戶邑為制不以里數為限蕭何識高

不霍光定傾危以興國皆益戶增封以顯其功

高祖

長蕭何佐之後拜何爲相國益封五千
邑王立宣帝後益封光萬七千戶

冀可比鄧禹合食四縣

差同于霍光使天下知賞必當功爵不越德朝廷

從之冀意以爲恨會以地動策免復爲太僕永興元年遷

司徒轉太尉梁冀前後所託辟召一無所用雖有善人而

爲冀所辟舉者亦不加命延熹元年以日食免復爲大司

農明年梁冀被誅太尉胡廣司徒韓續司空孫朗皆坐阿

附免廢復拜瓊爲太尉以師傅之恩而不阿梁氏乃封爲

邠鄉侯

說文云邠潁川縣也漢潁川有周承
休侯國元始二年更名曰邠邠音亢

邑千戶瓊辭疾讓封六

七上言旨懇惻乃許之梁冀既誅瓊首居公位舉奏州郡

素行貪汙至死徙者十餘人海內由是翕然望之尋而五
侯擅權傾動內外自度力不能匡乃稱疾不起

五侯謂左
惟徐璜等

四

年以寇賊免其年復爲司空秋以地震免七年疾篤上疏

諫曰臣聞天者務剛其氣君者務強其政是以王者處高

自持不可不安履危任力不可不據夫自持不安則顛任

力不據則危故聖人升高據上則以德義爲首涉危蹈傾

則以賢者爲力唐堯以德化爲冠冕以稷契爲筋力高而

切而愈據此先聖所以長守萬國保其社稷者也昔

愆天順民奮劍而王掃除秦項革命創制降德流

平而帝道不綱秕政日亂遂使奸佞擅朝外戚

冠不以仁義爲冕所蹈不以賢佐爲力終至顛蹶

涉絕漢祚天維陵弛民鬼慘愴賴皇乾眷命炎德復輝光

武以聖武天挺繼統興業創基冰泮之上立足枳棘之林

冰泮喻危陷
枳棘喻艱難

擢賢於衆愚之中畫功於無形之世

形兆也言未有天下
之兆畫或作書也

崇禮義于交爭循道化於亂離是自歷高而不傾任力危
而不跌興復洪祚開建中興光被八極垂名無窮至於中
葉盛業漸衰陛下初從藩國爰升帝位天下拭目謂見太
平而卽位以來未有勝政諸梁秉權豎宦充朝重封累職

傾動朝廷卿校牧守之選皆出其門羽毛齒革明珠南金

之寶殷滿其室殷盛也富擬王府執回天地言之者必族附

之者必榮忠臣懼死而杜口萬夫怖禍而木舌法言曰金口木舌也塞

陛下耳目之明更為聾瞽之主故太尉李固杜喬忠以直

言德以輔政念國忘身殞歿為報而坐陳國議遂見殘滅

坐音才 卧反賢愚切痛海內傷懼又前白馬令李雲指言宦官罪

歲宜誅皆因眾人之心以救積薪之敝賈誼上疏曰夫抱火厝之積薪之下而寢其上

然因謂之安乃以異此也引農杜眾知雲所言宜行懼雲以忠獲罪

陳理之乞同日而死所以感悟國家庶雲獲免而

幸衆又并坐天下尤痛益以怨結故朝野之人以

昔趙殺鳴犢孔子臨河而反夫覆巢破卵則鳳凰

不翔剝牲天胎則麒麟不臻誠物類相感理使其然

史記曰孔子將

西見趙簡子至于河而聞竇鳴犢舜華之死也臨河而歎曰美哉洋洋丘之不濟此命也夫竇鳴犢舜華晉之賢大夫也趙簡子未得志之時須此兩人而後從政及其得志而殺之丘聞剝胎殺天則麒麟不至郊藪涸澤而漁則蛟龍不處其淵覆巢毀卵則鳳凰不翔何則君子諱傷其類也事亦見孔子家語文也

尙書

周永昔爲沛令素事梁冀幸其威執坐事當罪越拜合職見冀將衰乃陽毀示忠遂因姦計亦取封侯又黃門狎邪羣輩相黨自與興盛腹背相親朝夕圖謀共構姦軌臨冀當誅無可設巧復記其惡以要爵賞陛下不加清徵審別

真偽復與忠臣並時顯封使朱紫其色紛墨雜蹂所謂抵

金玉于沙礫

抵投也音紙

碎珪璧於泥塗四方聞之莫不憤歎昔

曾子大孝慈母投杼伯奇至賢終於流放

說苑曰王國子前母子伯奇後母子伯封

後母欲其子立為太子說王曰伯奇好妾王不信其母曰令伯奇於後園妾過其旁王上臺視之即可知王如其言伯奇入園後母陰取蜂十數置單衣中過伯奇邊曰

蜂螫我伯奇就衣中取蜂殺之王遙見乃逐伯奇也○劉攽曰注伯奇王國子按伯奇是尹吉甫事曰王國未詳

夫讒諛所舉無高

而不可升相抑無深而不可淪可不察歟臣至頑駑世荷

國恩身輕位重勤不補過然懼于永歿負釁益深敢以垂


日陳不諱之言庶有萬分無恨三泉

三者數之極一生二二生三三生萬物天

歎故以三為深之極也

其年卒時年七十九贈車騎將軍謚曰忠

婉 見後漢書晉范曄
著唐章懷太子註




傳

卷之三

三

七

成



漢司隸校尉陽泉鄉侯子琰府君傳

子琰少失父早而辯慧祖父瓊初爲魏郡太守建和

元年正月日食京師不見而瓊以狀聞太后詔問所食多

少瓊思其對而未知所况琬年七歲在旁曰何不言日食

之餘如月之初瓊大驚卽以其言應詔而深竒愛之後瓊

爲司徒琬以公孫拜童子郎辭病不就知名京師時司空

盛允有疾瓊遣琬候問會江夏上蠻賊事副府

副本詣公府也

允發

書視畢微戲琬曰江夏大邦而蠻多士少琬奉手對曰蠻

夷猾夏責在司空因拂衣辭去允甚竒之稍遷五官中郎

將時陳蕃為光祿勳深相敬待數與議事舊制光祿舉三

署郎以高功久次才德尤異者為茂才四行

大次謂久居官次也

時權

富子弟多以人事得舉而貧約守志者以窮退見遺京師

為之謠曰欲得不能光祿茂才

能音乃來反

於是琬蕃同心顯用

志士平原劉醇河東朱山蜀郡殷參等並以才行蒙舉蕃

琬遂為權富郎所見中傷事下御史中丞王暢侍御史刁

韞七暢素重蕃琬不舉其事而左右復陷以朋黨暢坐左

郎而免蕃官琬韞俱禁錮韞字子榮彭城人後陳蕃

而言事者多訟韞復拜議郎遷尚書在朝有鯁直臣

爲魯東海二郡相性抗厲有明畧所在稱神常以法
整家人莫見惰容焉琬被廢棄幾二十年至光和末
太尉楊賜上書薦琬有撥亂之才由是徵拜議郎擢爲青
州刺史遷侍中中平初出爲右扶風徵拜將作大匠少府
太僕又爲豫州牧時寇賊陸梁州境彫殘琬討擊平之威
聲大震政績爲天下表封關內侯及董卓秉政以琬名臣
徵爲司徒遷太尉更封陽泉鄉侯卓議遷都長安琬與司
徒楊彪同諫不從琬退而駁議之曰昔周公營洛邑以寧
姬光武卜東都以隆漢天之所啟神之所安大業旣定豈

宜妄有遷動以虧四海之望時人懼卓暴怒琬必及害固

諫之琬對曰昔白公作亂於楚屈廬冒刃而前

新序曰白公勝殺楚惠王

王出亡令尹司馬皆死勝拔劍而屬之於屈廬曰子與我將舍子不與我將殺子屈廬曰詩有之曰莫莫葛藟施于條枚愷悌君子求福不回今子殺子叔父而求福於廬也可乎且吾聞之知命之士見利不動臨危則死是謂人臣之禮故上知天命下知臣道其可規乎子胡不推之白公勝乃入其劍焉

崔杼弑君

於齊晏嬰不懼其盟吾雖不德誠慕古人之節琬竟坐免

卓猶敬其名德舊族不敢害後與楊彪同拜光祿大夫及

徙西都轉司隸校尉與司徒王允同謀誅卓及卓將李傕

一攻破長安遂收琬下獄死時年五十二

見後漢書晉范曄著唐章懷太子註

鄉教授守貞先生仲繹府君傳

名尋字子存一字仲繹江夏安陸人新安太守積之
子習韓詩歐陽尚書教授常數百人父卒於官塋姚家墩
尋廬守父墓遂家新安嘆曰老子有言曰名與身孰親吾
豈爲名乎遂絕志世外專精經典尤明天人讖緯風雨推
步之術州郡公府辟召皆不應召問災異亦無所對嘗預
知歲荒聚穀若干斛悉用給鄰里鄉黨又殮疫死亡骸無
收者平居不入城市郡守李英先爲諸生從學後守郡先
遣吏執弟子禮更欲荐用固不肯就時人稱爲守貞先生

年六十八終於家子原奕為陶侃從事官至都尉
 贊曰為教不倦為學不已廬父之墓居歛之里利祿塵輕
 徵辟不起顧新安之有黃實先生之伊始

晉光祿勳陶公範撰

(Faint bleed-through text from the reverse side of the page)

晉都尉世昌府君傳

范公晉珧譔

黃君原奕字世昌新安太守元集

名

之孫太守以仁

政蒞民卒於官子仲繹

名

盧墓於郡之姚家墩遂為新安

人都尉負曠達才有先見智驍勇冠絕倫類微時征西大

將軍荊州陶公

名

聞其能召用之適蘇峻犯闕竟陵李太

守

名

為公督護都尉與太守部將彭世斬蘇峻峻將馮鐵

殺公子奔石勒公遣使告以故勒殺之事聞詔公都督江

州領刺史增置左右長史司馬從事中郎四人椽屬十二

人拔君為從事時珧守湘東與張叅軍

名

劉椽曹

名

同在

傳

三

想成堂

幕府公獨遣君從公之子尚書郎

名斌

與南中郎將

名桓

代樊

城走石勒將郭敬又與李太守

名陽

佐公兄子當陽亭侯

名臻

共破新野遂平襄陽拜公大將軍劍履上殿入朝不趨讚

拜不名公上表固讓不允而君亦錄功授都尉矣子一奇

遠官主簿未幾都尉卒主簿袁經踵門求傳珽與都尉同

事最久前後勲伐皆目覩他不傳傳其大者以答主簿之

請云

一人修文藝君讀武經機不妄發因不失親惟公之威


田如霆君居幕下肆出徂征爰斬蘇陵爰破樊城郭敬

襄陽亦平于以振旅公功大成帝錫殊禮位絕羣臣
于君虎符珠纓年甫中壽赫曦方昇夫何厭世垂簡
策名君已論定佇賚絲綸

... 月 鑑 致 特 資 務 餘

... 林 貴 谷 終 齡 字 甫 中 壽 赫 顯 衣 異 氏 附 祖 世 垂 裔

... 亦 平 于 以 述 成 公 成 大 功 帝 賜 衆 職 其 餘 奉 祀



唐書孝友列傳

宋宋公祁謨

命二百八十八年以孝弟名通朝廷者多閭巷刺草
之民皆得書於史官某州某某云云歙縣黃芮左千薛鋒
及河陽劉士約或給帛或旌表門閭皆名在國史韓愈謂
未聞毀支體爲孝不當旌其門以表異之然委巷之陋非
有學術禮義之資能忘身以及其親出於誠心亦莫非國
家德化之所被也

見舊唐書

黃孝子傳

宋羅公願撰

黃孝子諱芮字思仁歙州人事以孝親聞唐建中初繼母
 洪氏疾病芮刲股饋羹而愈貞元中父卒盧墓號泣不絕
 聲遂終身不捨墓側產芝十四本木連理者四刺史盧公
 上其事詔旌表門閭今縣西九里黃屯是其居處也始因
 寇盜黃氏之先與其族人聚徒屯此故名黃屯芮太和五
 年卒

見新安文獻志

卷之三

宋羅公願撰

宋逸民德菴傳

朱公大同撰

則字誠夫號德菴歛衮繡鄉人觀書通大指十七歲
父早世兄商游不歸獨奉母撫姪孫泰鄉里巨細事成推
主維有訟者必先質之或相責而退或望盧而返宋末李
銓爲徽州招討使孝則素與善欲辟從事不起元兵至城
銓遁急以幼女爲託撫訓成人嫁之如已女至元庚寅潛
口松源等處盜賊並起居民駭散孝則身爲撫諭一鄉獨
安避寇者多依焉時監郡馬思忽提兵討賊孝則釃酒勞
軍力陳玉石不可俱焚狀遂留軍中計事及擒渠魁凌六

一乃使孝則招諭餘黨賊素知公名皆投戈泣拜各攜妻子來降諸鄉之避寇者皆復一境賴以安堵監郡上功朝廷議授巡檢辭不就卒年六十一

見徽州府志

德翁傳

子庸鄉人尊其德曰德翁曾祖孝善客遊不返祖金
聲父泰俱早世至翁始壽其家翁生勝國大德丁未以行
義聞鄉老能談之鄉故莘墟塌蕪不治田苦旱翁毅然任
治之相菖蒲灘者界鮑汪溪口左絕溪可塌也乃以貲易
田改塌源不欲貲者以已上上田易之作於至正庚子越
明年成東北流會於故塌至七里灣東南流入於溪田不
旱連有年鄉人德之易塌名曰黃潭鄉儒汪煥文碑翁德
請祠之如齊侍郎呂文達故事郡志志焉翁卒洪武壬子

年六十六嗚呼井田廢而畝澮之制亡夫塲者亦畝澮意也
也不作於上而作於下難爲下矣下之人如翁者代有幾
耶宜德翁之稱至今不衰也翁卒塲至成化時復湮翁曾
孫忠治之今又湮矣環塲而居周於利者相望也鄉先生
凌文善曰翁有識量屹然不爲重利遷蓋知其人矣訓生
也後於是有感焉作黃德翁傳

嘉靖丁亥二月朔德菴九世孫訓謹撰


宗長傳

名慶壽字仕正德翁第三子嘗長黃宗宗人宗之故
曰宗長生勝國至正丙午性氣剛羞伍庸兒執禮甚好讀
書尤熟文公小學嘗曰作人如此書足矣事二母謹近出
反必告面洪武初兄英壽以避人材舉下績溪縣獄當遠
戍急走代至則仰藥卒慟甚請喪歸以仲子後歸四孤女
如女永樂中長區賦區小民逋不能償者代償之宣德後
以長長黃宗德齒俱尊鄉稱大老宗人冠婚必蒞誦冠婚
義以訓凜如大賓喪祭惟文公禮是倡有言浮屠者輒斥

之構數椽打捕園間呼子姓能言者入誦陳古靈言俾習
子及孫婦少有失呼立堂下切責之至面發赤請改乃已
鄉有爲不善者曰黃宗長得無知乎吾愧死矣其爲人所
嚴憚如此景泰甲戌年八十九一旦語子姓曰何恍惚如
有奉檄召我者我其生天上乎暮屏女婦沐浴更衣卒子
孫曾元侍者二十一人嗚呼封建廢而宗子之法亡矣夫
宗長者亦宗子意也宗也者宗其德也徒以長也則長也
宗也甚者以其長也而肆不德俾少者效尤曰某宗長
亦然則宗人宗之乎如宗長者宜宗人宗之至於今不

鄉先達吳兵侍宜曰吾見宗長多矣未有如潭渡黃
宗長者也蓋知其人矣訓生也後於是有感焉作黃宗

長傳訓謹撰





黃山樓主人傳

樓主人子從叔父少參公之別號也公諱華字實夫
幼敏達在鄉塾中與衆不羣甫弱冠父仲述公命就商文
毅公門下受尙書從遊二載歸補郡庠生中成化乙酉鄉
試時年二十二辛丑登王華榜進士觀政都察院選江西
金溪縣知縣未二歲丁仲述公艱服闋補湖廣之平江縣
蒞縣皆未久並政化大行廢墜畢舉當道交薦以急缺風
憲赴召因年限授兵部職方司主事值寧夏有邊警被命
勞軍時母徐孺人年躋九袞得便道歸慶喜動顏色將行

而訃聞制服三載起復主武選事贈父仲述公如其官母
徐氏贈安人配汪氏亦封安人俄署車駕司員外郎時大
司馬鈞陽馬公建議外衛京操官軍馬匹年久虛耗及行

在至留都驛站所費浩繁宜一切覈實以公清慎練達可
使奏上遣之公既奉命歷各衛所嚴加閱視得精兵健馬
若干補京操之缺及清理各驛站得羨金三十餘萬事竣
轉武選司郎中公質直不阿權要在郎署請託俱不得行

司馬華容劉公亦器重之未三載擢福建布政司右叅
權要思中公猶持公點視驛站時長短時馬公位冢宰

劉公力爲別白事始得寢公爲郎時嘗累求乞身馬劉
公勉留之曰圍金以當晝錦未晚也後至閩卽欲解組
會延漳諸郡流賊猖獗用兵勦捕公督運糧餉部領士卒
備經艱險未幾事平公歸志益堅正德丁卯進萬壽表至
京因上疏乞骸骨時年六十四部檄有司以禮相待公歸
搆後樂軒軒前鑿池環植花竹一筇雙鶴優游其間軒西
築黃山樓與天都諸峯相對因自署黃山樓主人茲仲春
朔旦壽屆七旬烏紗白髮金帶緋衣厥子若孫森然玉立
福與壽之兼備如此非公盛德得天其能然乎余目覩公

為政之美歸田之樂壽考之休謹述其梗概為傳以壽公
 若其教家睦族周卹貧匱修飭先塋啟迪後進細行小節
 難以縷數故畧而不書自茲以往而耄而耄而期頤其式
 刑之德垂裕之範當有與年俱進者余小子尚操牘以俟
 焉姪璽謹撰

前雖獲劍未幾車平公歸志蓋望其歸不暇數言其
 或新請雅潔知群賦用兵嶺謝公皆數言其
 以文曰團金以壽公歸志蓋望其歸不暇數言其
 謝以白車欲辭公歸須判書系水之泉其歸

松澗黃處士傳

一姓黃氏諱鏞字時振別號松澗歛潭渡孝行里人系
出於黃國子孫因以爲姓歷漢魏郡太守文疆公晉新安
太守元集公唐有御史中丞德涵公孝子芮公宋有孝則
公倡義彌盜全活萬人鄉人祀之號曰德菴先生斯皆孝
行忠義世濟厥美黃之族望於新安者匪自今矣處士先
生九世孫也自高曾大父咸潛德弗耀父東園公始以例
貢判陳州令新蔡大肆厥聞東園公生四子處士其冢也
處士賦性敦厚少卽績學業舉志存經世旣乃憤東園公


之弗偶於科甲也輒棄去商遊閩越齊魯者三十餘年十
一取贏貲大豐裕乃自奉則澹如也嘉靖己丑東園公不
祿踰二年母汪孺人亦尋卒處士哀毀過情治喪率遵於
禮且扁所居堂曰永思示不忘也處士之承先德有若此
者處士雖業商克洞於天人盈虛之數進退存亡之道年
幾耳順遂幡然來歸悉付貲於其子曰爾曹當勵志毋替
先業然猶早夜習勤益拓田宅曰吾將以遺安也暇則徜徉
於黃潭之滸盤旋於松澗之濱日集羣孫繞膝前愛而
訓其資性穎邁如民望民悅民敬民怡民表者則延師

之舉業曰是將大吾家兒也於是民望民悅先後遊庠
無籍籍行柱石明堂矣處士之裕後昆有若此者若乃
待諸弟羣從友愛彌至處宗族姻黨鮮不用情又其輕財
好施義所當與卽于金弗吝苟愆於義卽一介若將免焉
至於庸言細行亦罔或有失口失足於人者其篤行樂善
又如此族有弗稽於理者妄造訟端禍繫子於獄者七年
處士不懾不聳曰事久當自白困窮憂患固以玉汝于成
也蓋初無怨天尤人之意而彼之不稽於理者亦自愧悔
於無地矣茲非其順變達命孰克爾耶處士享年八十有

一卒之日遠近聞者見者莫不哀悼曰天何亡哲人之速也子四人男女孫九人曾男女孫十一人之芝蘭玉樹敷榮競秀視昔王謝家可相頡頏元來雲仍方興未艾積善餘慶天固所以陰隲而厚之報也噫若處士者何可多得哉

論曰承先德之謂孝裕後昆之謂仁篤行樂善之謂盛德順變達命之謂秉機君子修此四者固全也求全德於今世亦難其人矣乃處士兼有之古之人哉古之人哉君
丁推反本始謂處士生歷四朝際清平全盛之世而其忠

仁厚之先澤源流又遠故能備福百順享壽遐齡子孫
前賢才輩出譬彼層圍輪囷之木撐凌霄漢積歷歲寒
於千百紀者豈沙礫芻牧之地所能長養與夫一朝一夕
之故哉信斯言也予未識處士觀陶山子所爲狀偉處士
之爲人當求之於古人中又傷今之人不獲如處士生逢之
幸也因重有感焉故特爲立傳以附於野史氏汪櫟謹撰



年出因重... 宗譜... 忠訓堂

宗人當來... 宗譜... 忠訓堂

宗姓... 宗譜... 忠訓堂

宗... 宗譜... 忠訓堂

宗... 宗譜... 忠訓堂

宗... 宗譜... 忠訓堂

黃隱君傳

隱君者歙潭渡人名元芳字文瓚先世祖芮爲唐孝子
郡志載甚悉六世祖志道元諸暨州學正曾祖士亨祖興
壽俱高志弗仕父正視益敦行誼於鄉衆推長者娶程氏
系出宋丞相文清公生三子君其季也爲人魁梧敏給超
衆髻齷時已嶄然見頭角議事如老成人以是父母鍾愛
之初兵曹郎實夫公於君爲從弟甫業舉君卓有志欲與
之俱而累於家政已實夫掇巍科去君遂卒業於陶朱氏
之學慕司馬子長之爲人往來荆吳齊魯徐梁之區足跡

殆徧平居無詼笑容議論慷慨與人交洞示肺腑雖里媪
市童莫之或欺人有不善心弗順如已作過疾惡之心形
於辭色坐是寡合見人有愁苦狀則矜恤之意悽然可掬
隨其事大小量力資給之不少吝早值家艱終克樹立田
園邸舍手自經營尤妙於心計懋遷有道自是先業益擴
以資雄於鄉君益折節爲恭讓焉有女歸前侍郎唐公子
君錫壬子舉於鄉明年上春官弗利買舟南還中道遭疾
疫氣盛行同舟者解裝棄去君適客錫山值之亟扶致
旅人或曰疾不可近君曰是何言他人有急尙當救之

子壻乎遂爲延醫禱神護視備至久之疾愈厚酬醫者
輟已事送之抵家君配汪孺人知縣溶之女有賢行其
弟早卒臨終泣語汪曰無他骨肉以孤女爲姊累汪歸語
君君有族子勳敦厚修整遂以妻之厚其奩具裝送如已
女君有丈夫子二天爵天偉咸克家女一卽歸唐者君今
年登耳順尙康疆無疾識者謂其受福蓋未艾云予昔與
君錫同游胄監君錫每爲予言於廣坐且曰他事類此者
不可盡述君錫予之端友其言不誣也

九龍山人曰昔劉永嘉值郡疫大行日遍赴視人與藥餌

訖事無恙若隱君者其斯人之儔歟世有逐人之孤子而
分其財鬻人之遺孤而規之利者觀隱君之事其賢於人
遠矣世變滋下計利害弱孤寡雖縉紳之士亦多有之視
君能無靦顏乎作黃隱君傳

弘治壬戌二月朔賜進士第兵科給事中前翰林院庶吉
士華亭張弘賦書

望雲翁傳

諱長壽字廷祉別號望雲歛孝行里潭渡人也初誕時
父夢一道士曰某從四川長壽縣來特謁公既覺母方孺
人在蓐而翁生遂以爲名翁少業儒以獨子當戶父老去
之賈以儒術飭賈事遠近慕悅不數年貲大起駐維揚理
鹽筴積貯益浩博不效嗇夫徒爲自封已也人有緩急赴
之皇皇如不及凡阨於饑者寒者疾者歿者貧未婚者孤
未字者率倚辦翁翁輒酬之如其願乃止時有故人負債
亡其產翁度其計無復之也輒出貲爲贖之而故人免淪

落道出兗州途有遺金翁停車日午候而還之清源買一
女奴臨訣持母啼弗釋翁憐而破其券人咸頌翁行德博
立義高翁歆然弗任受也嘉靖庚寅秦地旱蝗邊陲饑饉
流離載道翁旅寓榆林輸粟五百石助賑副都御史蕭公
奏聞賜爵四品授綏德衛指揮僉事旌異之翁曰緣阿堵
而我爵非初心也謝弗受翁雖遊於賈人乎實賈服而儒
行嘗挾策流覽未嘗置性喜吟詠所交皆海內名公如徐
卿葉司徒等相與往來賡和積詩成帙題曰江湖覽勝
壬辰集前太史景公暘爲之引梓成藏爲家寶

曰世人居華服綺醉醲飫鮮施施閭里視周親爲溝中
者不啻蟻蠊之過目奚顧問哉乃翁一切引爲己戚扶
傾起痿不惟惠及惇孤遠而邊塞饑饉流離咸霑濡沫其
委潤流膏仁心爲質視彼齷齪擁豐腴自快一己者不猶
鴻鵠之與斥鷃哉榮四品爵宜矣囂然辭謝雖古節俠何
以加諺曰桃李不言下自成蹊一時名公賢豪相賡詠而
三延鄉飲賓豈偶然哉余觀今世率齷齪自封者流安得
起翁於九原以緩急人之困阨而納之春臺哉故爲著之
篇以致慨慕焉道中謹撰

蛟峯先生傳

讀虞卿傳非貧不能著書恒竊悲之夫士習誦明道義
通古今冀一當世用以行其志至於落落難合終年困阨
無所發抒乃述乃作以待來者意誠足悲已太史公曰大
抵聖賢發憤之所爲作也以予所聞蛟峯先生者益信因
傳其槩以備惇史先生諱祚字惟承姓黃氏歛孝行里人
也幼穎悟善記誦童時從父賈宣州卽能賈歸喪母受室
值里胥催租辭色凌厲先生奮曰予豈不能爲士以免役
哉卽下帷數月誦制舉義下筆輒與作者合明年補邑弟

子員以貧不給授徒富溪去舍一置時族子憲副黃潭公
博雅道古以才名噪海內先生率五日一歸請益徒步往
返若巫馬之治邑也寒暑弗以間所得既深益以經濟自
負憲副治尙書傳自從祖少參實夫公實夫公傳自淳安
商文毅公先生既卒業述大意作備忘關中曹博士刻諸
學宮都人士程之此歛士治尙書淵淵之所自也兩試鄉
舉弗售益肆力於學自邱索而下靡弗究心以史分紀傳
於人而近繁鑑繫編年撮其凡而雜出無緒學者病之
是合史鑑爲會要十年成書其功勤矣旣而莆田雙石

公玉來守新安新紫陽書院請先生爲尙書都講居先

一於署手書重德並蛟峯四字揭於楣時人以爲殊禮云

先生爲公作雙石頌有云我欲借一置之廟堂以爲柱石

我欲借一時之江河以迴狂波鄭愈器重及仲子景獻補

郡弟子先生嘆曰吾將以一第付兒曹耳後郡守陶公以

先生負經濟學豈可自我失之強之試試輒絀先生哂曰

老婦舞柘枝固當余其爲老農乎余聖世之逸民也有孫

時耀總角善屬文無何景獻卒先生撫耀焯曰已矣天乎

孺子勉之吾老矣安能見爾成乎遂求居不就館課子明


然往

農自給日夕作勞斗酒共酌長幼怡然生豪於酒時爲古
文辭則酣飲醉卧晨起濡毫立就無可點竄先生旣博覽
於理學尤邃述性理便覽十八卷後進旣宗先生先生亦
啟誘弗倦問竒考業者屢嘗滿戶外先是落蛟峯居室以
新安黃氏始東晉太守積黃屯遷祖則忠乙府君璋孝行
里則自唐孝子芮廬墓迄今是謂三始奉三祖祠之而以
本支耐伏臘用徽國文公禮必以誠兄祐先卒撫嫁二女
如已女先生雖不遇處困布衣疏食澹如也未嘗一謁貴
性質直不能容人過忌者或有後言先生自以內省無

不徇俗少詘也生平著述有讀易抄三卷尙書備忘十
二卷春秋傳畧二卷四書備忘十四卷性理便覽十八卷
史鑑會要六十四卷通鑑外紀五卷蛟峯文集四
世實學非剽竊餽釘者比使先生遇合於時所樹立豈可
量哉先生卒燿亦數竒北游都下蛟峯居室災諸藁皆毀
存者祇燿所攜文集四卷及尙書備忘已授梓耳子得
於燿真率恬澹有堯夫之風燿仲子應斗少倩傳曰於其
子孫斗應之哉

贊曰達則兼善天下否則獨善其身不汲汲於逢世不戚

戚於居貧著書樹德以俟後人其斯爲蛟峯先生之逸民
奉政大夫同知興化府事通家眷生汪克明頓首拜撰



木菴先生傳

木菴歛潭渡人也姓黃諱甫字惟慎幼岐嶷誦小學諸書
卽能記憶人固竒之及長學舉子業不成去學賈賈不成
遂肆志漢魏李唐宗派爲詩歌飄灑出塵綽有旨趣迨壯
獲羸疾又能讀岐素書悟元牝於老子師導納於長房是
故疾殷作不爲虐病間市婢侍湯藥數年他適猶處子也
事父母孝游齊魯時心懸弗少舍性仁而慤遇顛沛惻然
思拯之甘澹泊以自守終不肯用鑽核參徂計栗齋先生
以詩鳴於鄉蚤卒不仕君輯其遺藁以傳茶僊先生詩派

有宗君從學焉且梓其南歸紀程錄五世祖庸壽公嘗倡
義開黃潭場世久漸湮君徧求文墨讚揚之生平好文樂
善類如此與人商則持廉重義出入清白人終敬之接族
人以禮無忿顏無疾言義所當爲則毅然爲倡人皆曰純
篤君子也晚游山東將涉洙泗登泰岱觀滄海臨碣石盡
攬天下之奇不期復邁疾亟旋軫歿於中途有德無祿人
其惜焉遺孤二曰仰曰仲不隕厥問自號木菴有詩藁藏
於家

曰孔子曰剛毅木訥近仁言有其質也先生不逐時好

尙樸素趣義而遠利是蓋近仁者矣其以木菴自號有

沐謹撰





黃貞婦傳

婦歛潭渡黃處士仲善婦也諱貞出邑慈姑汪氏父彥
良國初以人才舉同知宛郡擇處士歸歸鞠一男二女男
鞠四年處士卒時年二十八誓未亡人人難之顧性嚴重
寡言笑人亦不敢易之能順孝舅姑有子婦六而奩獨厚
日不給輒鬻無難色比處士卒亦然舅姑時泣曰吾兒死
而不死者賴有吾婦也益勤紡績鞠男女於成男爲文萱
處士質厚剛正有古人風鄉稱家教焉我從祖少叅公官
於朝欲乞旌力辭曰婦道常也乃止有三孫曰祐曰全曰

員孫生也晚慈而能教祐全幼小爭怒曰用正兄弟同
 服食何爭為小有妄言怒曰男子言如鐵劍何妄為年八
 十六卒卒三十八年矣三孫子婦百餘指居同爨咸有質
 厚剛正風鄉稱三君子蓋天性使然然家教力亦不可誣
 也全毅然志濂洛關閩學員教不及憾未旌請祐全屬訓
 傳訓匪史才傳何容易傳必有論鄉君子則有矣謹采為

論訓譔


論見黃
潭文集

黃節婦傳

婦諱妙洪源洪應童女年二十二嫁我潭渡資豪處士處士有心疾發輒不省人醫罔功日左右之不少懈仰天祝曰願移夫疾妾俾有後乎乃十年生一女又四年生一男名曰正祥志天降也明年處士卒躬殮日抱孤泣仰天祝曰願移妾壽壽孤俾吾夫有後乎自是爲孤計者死生以之卒目祥生鑰七生十年乃卒年八十今有曾孫三人嗚呼處士死而不死者賴有節婦也無節婦則死矣烏有今日節婦於黃氏有德者可以俾其無傳耶予故傳之

附閩史以為婦勸訓撰

論見黃潭文集



Faint vertical text columns, likely bleed-through from the reverse side of the page. The characters are mostly illegible due to fading.

附閩史以為婦勸訓撰

黃節婦傳

婦諱月嬌姓汪氏其族望於吾徽世居邑西之沙溪唐忠烈王裔宋司農卿之後也父有源翁行表於鄉母黃氏以賢稱故節婦生有淑質柔婉貞靜寡言笑慎起居克閑姆訓習女紅預識婦儀凡所以持內職者不煩教合有源翁最鍾愛之每艱厥倩相攸而得黃君坦以爲稱年十七歸黃氏三日而廟見與婦事俱井井厥舅姑喜曰吾家有婦矣黃君遠服賈於清源無何以疾終訃聞節婦慟絕而復甦者屢時年十九遺孤甫一週家且厄於窘人或難其

守輒泣曰命也奈何吾順之而已矣於是攻苦茹淡紡績織紉以供二世舅姑之甘旨撫遺孤教且婚之百費皆自取辦無外資人或憫其勞輒謝曰分也吾甘之而已矣既而其孤巖壽君克自樹孫曾楚楚如玉立足以愉志矣年且幾耄而猶勤內職夙夜不少廢人或勸其逸輒泣曰吾荷先夫子之責懼弗克終而敢以自逸乎矧亦分也吾安之而已矣於是鄉之人咸嘖嘖曰順於命而安於分至老不渝若黃氏之母其正能節也哉蕃其胤而裕其家天之所以報善者不爽矣是不可以無傳乃相與詣許子請授

辭焉

孔子曰嘻哉婦節臣忠古以并稱謂其難得也然余以爲忠之難未若節之難蓋忠之難決於一時節之難守之終身寒燈孤幃蕭然獨處且或迫以饑寒豔以貴富非有定見定守者烏能不變其初哉謂非難得而何宜傳之以風縉紳之脂韋者豈特貽範巾幗而已哉

嘉靖辛酉春三月穀旦眷生許國頓首書

蘇軾辛酉春三月錄其錄其者國師首書


蘇軾之亂章者豈非似此中師而曰詩

良宜守昔為詩不變其所若爾非續詩而西宜詩之風

良亦須避神儀為詩且如後以詩學盡思貴富其首亦

亦宜飛未昔為詩益忠之職夾敘一詞道之職字之

日南詩誠前引忠古以非無斷其職詩也然余以



貞烈婦傳

貞烈婦小字正姑歙西大址處士鮑孟沾女潭渡孝行里
黃百壽之妻也幼有至性寡言笑慎動履方訂盟翁鉉商
泰州卒值夫百壽幼家甚窘僦居力不能歸櫬泊貞烈婦
卽解釵佩遺夫商於淮求以歸翁喪百壽至泰州詢諸逆
旅咸云昔有人姓名形狀類汝翁死後藁葬亂塚次今莫
能復認百壽哀號尋訪於人者數歲無所得所攜貲亦盡
乃歸貞烈愀然圖再舉僅留一婢自伴悉變易餘服飾復
遺夫以往晝夜勤紉組養嫡姑暨小叔千壽萬壽後二姑

繼卒貞烈棺殮殯厝之以禮二叔今俱冠內外罔資所費
皆出於貞烈勞動之所具是歲八月十一日百壽竟以求
父屍不得感疾死於淮年三十三無嗣訃聞貞烈求自殉
往謀父兄父兄見其志之果也諭之曰子之賢於二姑能
生養死殯今夫雖不幸猶可自給也盍盡節以考終乎貞
烈曰我非不知此顧夫以妾言死父妾靳死夫可乎乃歸
鬻所伴婢得數金衆讙不能全歸夫喪又恐久而蹈翁之
覆轍也析其半懇諸堂伯仕往淮歸其骨餘半市地鳳山
祖塋西將并窆二姑而忌貞烈者不欲成其美故假堪輿

之說力阻之乃不果十月八日止葬其嫡姑於中虛砌二
壙於右尙貽貞烈不盡葬姑之恨悲哉初十日畢工置酒
犒勤於墓者遍拜之十一日撤其所卧床易貲託其甥市
棺衾襲殮物十二日委工裁製之密自製帛衣長单服復
慮身後二叔年甫弱冠未有室家貧莫措也凡百禮俗費
咸次第爲之處十三日以家所存爨汲瓦木器酬屋賃并
散於素所惠者至晚沐浴服所製長单服懼旣死暴其體
自腋至足密縫之纏固不可解乃自盡家人驚救之不果
死或諭少待夫喪至則曰吾力能全夫喪待之至殉可也

今既不能而僅歸其骨吾豈忍見之十四日復自盡十五日又自盡俱以家人救解之不果死貞烈以防守之嚴所願之莫遂也由是勺水不入口家人素好於貞烈者百計寬諭之強之食終不從至二十日辰時卒距生正德丁丑九月初四日卯時年三十二鄉族聞而駭悼而悲又嘖嘖曰賢矣哉難得也按謚法一而不二曰貞勇以從死曰烈乃僉議私謚曰貞烈婦予惟節義人之大閑曰貞曰烈亦婦道之常耳世降俗漓人不逮古蓋有名爲丈夫而反禽獸其行者乃若於裙釵之中毅然不爲流俗所污而且經

理周密於死生之際從容就義見之明而守之定若貞烈
者世豈多見哉昔人有云婦人多得於天資以今觀之信
不我誣愧予位賤力微不能舉於當道以貽世勸姑述所
聞附於閭史以俟好德君子之激揚云祚謹撰



烈婦程氏傳

烈婦程氏名再弟幼知書適族人黃九敘九敘客死蕪湖
訃聞一慟而絕匕而復甦者再乃自爲祭文遣從姪往奠
其夫再拜送之門絕粒十有七日而卒其祭夫文曰妾薄
命自離襁褓上失嚴親下鮮兄弟鞠於二母笄而適君君
亦孑然當戶夫何遭戚氏之艱舅姑旣喪家日以微自去
夏君赴湖陰別將一載徽人十九爲商雖復睽離歸期可
俟詎謂十五日七兒還報君棄妾而逝使妾聞之崩摧五
內也嗟乎妾事君十有四年矣有舉案之敬無反目之訾

今也君之病妾不得親嘗藥餌君之死妾不得執手承訣
君之殯妾不得沐棺視含嗚呼痛哉使君有父母妾當代
君養之使君有子息妾當爲君撫之今上無舅姑下無子
息自思惟一死以從君於九原耳但君事親之事未畢舅
姑未及歸土乃以簪珥三事付從姪營磚槨四以二安舅
姑以二爲君及妾之藏姪已承諾則君事畢矣妾復何憾
今以私衷報君之靈卽就瞑矣

野史氏曰女子知書世以爲誠謂優於才者必佚於情也
今觀程氏抑何不然讀所作祭夫文辭旨簡質如刀斬鋸

截畧無纏綿悽惻之態且知世之有姑有子而死與夫事
未畢而死者於義均未有盡也然則非讀書識道理者惡
能若是乎夫女子亦顧立志何如耳才奚病焉景瑄撰



烈婦施氏傳

烈婦施氏名蘭如族人黃汝材妻也本隸東甌樂籍汝材客游其地與相欵曲遂委身焉而材嗜酒落拓其貲大喪氏安之無怨色惟刺繡文以佐朝夕坐卧一小樓足不履地者十二年值汝材病死材兄以婦尙艾謀嫁之而利其聘金氏佯應曰諾待我葬夫畢釋服擇吉可兄信之不疑乃變易器物營葬事如禮至期輿炬集門兄入促之氏曰諾待我沐浴易服可乃扃戶而沐浴畢遂仰藥以死迎者駭散塋之日族人大陳祖祭忿其兄之逼也縛而俎之以

代牲觀者快焉事具邑志

野史氏曰諺曰蓮生泥中雖涅不緇其施烈婦之謂歟夫
歛禮義之鄉其婦人女子之貞白自矢者固多乎然吾見
以良烈者矣未見以倡烈者也彼其視夫如傳舍何有於
改絃而施之操卒不易焉嗚呼人之志豈可量也哉景瑄

撰

容德其此與琳煥曲發委良然而林韻韻其其大矣
原誠誠以各蘭以越人其其林妻也本縣東對樂餘山林

原誠誠以各蘭以越人其其林妻也本縣東對樂餘山林

二黃烈傳

二黃烈者皆貞於歙西一黃之自出一婦於黃其黃出者
家石嶺父曰鍾爲羅田方以仁妻宗之聞人奐爲予述曰
之宗烈從女稱里中方比部狀之鮑孝廉誅之矣其婦於
黃者富場董君高竒女爲潭渡黃世學妻族長者俵述之
而文學龍旂爲紀實目之族烈從婦稱稱二黃者以兩氏
之偶合也而不獨以氏合也蓋其所居所適相去不遠一
舍生之少長不踰三年其爲烈不隔五十日其稱未亡人
從容就義不違一年其無嗣先就木同詞嚴義正至死不

變色同其委曲周慎一介不苟纖忽不遺同故一時二黃
殆與黃山鼎峙矣矣之言曰宗烈之歸方伯子實繼其室
與處有申生之患與出冑重耳之慮烈未能一日自安險
阻艱難備嘗矣不幸而遭疾則籲天以致禱嘗藥以代醫
身以代犧股以代糜刺血以代祝而皆無驗又不幸而客
死之死而神明之誠信之仁智所難而能兼備尙收餘息
以瞻後事舅至問橐而不忍秘悉索逋責畀之餘其有幾
而微細必周及輿櫬行則召弟俱遇江湖不忍登岸撫棺
呼曰婦在無懼籠孤鶴自隨人以爲明操而竟舐頂血以

滅神馭而西歸若有憑依而相殉也孰授之哉且生前預定死期凡魂之所之臯之所覆秋毫不爽此巫咸所不自知而烈胡從知之此不測之謂神又何疑於古今之工且麗也至屬主於宗祠而烈無餘憾夫小弁怨而離騷憤卒無貶於忠孝之行倘欲規以順正必如黃烈乃爲賢乎則烈黃寧有劣志也依之言曰族烈之歸自董食貧以終身而才足自給爨春之勞不釋猶賈餘勇於十指績紉每及旦凝如杵而不休夫病則竭其誠夫死則盡其禮迨滿七期而少有經營爲鄙俗姍笑蓋自治木也至捐用器償負

而哭逾哀人始駭之或日歆一粥一茗漸減於絕粒所待
二兄還與之訣僅餘二緡授以藏塋事側眴孤姪而泣涕
解什一爲資生自襲毳衣移木於春暉堂以佛成道之次
日至望日之申爲日凡七未嘗一漱一咽端坐自如不瞬
不灰怡然順化以終於正寢何其剛毅一至此哉今與烈
并論彼鬱於生前似託神化以洩其邁此力出於已曾無
所嫌於其心可以相衡而不可以輕重較矣潘之恒譔

雙烈傳

吾族有姜氏吳氏者妯娌也姜夫應元吳夫以位初位以諸生苦志積勞病卒吳屢求下殉因姑挽之力乃止後從姑依應元居汝寧之正陽崇禎乙亥流寇犯正陽焚民居與姑俱被掠吳踴躍赴火死姑因得釋當是時應元獨以其妻姜登舟避難聞賊信尙遠復歸取其輜重俄而寇至元僅以身免越三日寇退姜遇鄰人問夫免乎鄰人妄以殞賊對姜號呼曰吾夫旣不免吾何以生爲遽赴水舟人救以篙不受死

野史氏曰二婦之死不知者以為蹈水火也其知者以為
 蹈仁也雖然孔子有言未見蹈仁而死者然則二婦非仁
 乎彼固有不死者在也是二烈者豈特媿夫黃氏之子哉

景瑄譔

登世報讎聞知詩命嚴對調類其神重始而致

與故時時就吳國羅德水火故因對聯當其初觀氣

故為飄衣缺好率文五則樂離子之流歌以五則焚

齋坐苦志懣使離卒果與水可飲因故對志以非

吾燕許美刃哭刃香酸賦也妻夫願天地未以而

雙燕舞

烈婦黃四鳳傳

黃四鳳子諸姑行也從其夫呂正國家於台州府之天台縣徼縣中大姓桂氏之屋以居屋故割桂之餘者桂有少子瞰呂遠出意少婦獨處可感其悅夜啟閨而迫之姑攘袂大呼桂子驚遁姑恥以冶容誨曰吾夫歸吾無面目見吾夫卽求死桂之父母聞之大恐因膝行致懇且出呂宿所負券千金願折以贖罪姑磨之去諸嫗日夜守視爲開譬再三曰狂童昧禮冒近閨閣罪固當死然夫人玉體豈有少點乎今夫人冰雪之操一縣人莫不知卽郎君歸當

益加敬耳夫人何自苦如此姑佯是其言定不死矣數日
後諸姬謝去竟夜投纆於桂氏之門焉其父與夫訟諸有
司桂子下獄論死桂之外父與桂兩家行數萬金於撫按
司道諸上官諸上官爭欲脫之獨推官署縣事者持不可
桂後庾死於獄

野史氏曰女子之守身與邊陲之臣之守疆無以異也寇
至而城潰雖無所得而去然吏議必及焉昔王凝妻爲逆
旅人牽其手至引斧自斷此明於守身之道者也若呂姑
者中閨獨處夜有狂且之迹非以死自明保無輕薄之口

其後平此故之所以宜爲玉碎也推官李姓士弘名救之
死蓋親爲文以祭云景瑞撰





烈婦黃鳳英傳

烈婦黃鳳英吾族之女弟也年十三卽割臂肉愈母疾十
七歸吳沛七病瘵婦念舅姑皆邁此以歿心獨憂之旦夕
侍湯藥沛舖亦舖沛啜亦啜沛進藥亦藥沛飲食不御則
輟七箸終日及疾亟則又割臂以救先是歸寧母疾愈
再割至是凡三割矣然沛終不起婦視殮畢引匱一奠遂
絕水漿紉襟裾以待盡俗歿葬者不逾七婦命止引俟雙
旒焉時父黨夫黨勸諭百端終不爲動父視其志決泣而
聽之或以厚殮要吳氏婦止之曰吾是身已同棄屣惡用

厚殮徒窘伯氏乎且吾夫無嗣善存伯氏得一嗣嗣吾夫
其厚我多矣諸姻戚女婦之來視者室室交滿見婦無悴
容無瘠色皆悲喜讚歎歷十有四日神氣如常揮手謝諸
親而逝時年僅十有九府縣諸有司聞之並造廬以奠適
巡按劉公行部駐徽爲文遣祭特疏上聞得旨旌其閭景
瑄撰

貞壽傳

貞壽云者以節婦誓未亡之早而歷年所之多也節婦程氏系出晉太守元譚程忠壯公後幼寡言笑幽閒貞靜父母愛之因名淑女年十七嫁潭渡黃光洪處士生五歲而父卒未幾母又卒處士依祖母爲命祖母方性褊急剛厲氏歸承順惟謹歲餘處士以母命隨叔氏遠服賈去之日

卽氏載震之四月也越明年舉子之鵬甫兩月而處士訃

至氏悲號不食哀慟四鄰稟命王姑慈愛簪珥衣飾爲歸櫬

計櫬歸氏執喪如禮復稟命王姑卜地於太守山之東塋焉

二壙一安夫概一爲同穴計時年方十九適鄉鄰失偶兒

聞氏少艾欲娶之王故利其金帛許焉一夕謂氏曰守節

固美奈吾家貧而汝甚少勢難自立近有富家郎與汝年

相若使媒來議婚若歸之得善處矣氏不敢直拒乃對曰

孫婦去此孤誰撫方曰有吾在何憂氏默然而退翼日媒

導富兒欲與氏相面方命氏往氏給以更衣登樓闔戶號

泣其夫不止媒知志不可奪引富兒去方怒罵曰賤人不

中扶植爾後辛苦毋自悔自是受箠楚忍饑寒艱苦備歷

畧不爲意獨爲孤計者死生以之孤不時疾病氏仰天祝

曰願減妾壽壽孤俾吾夫有後乎厥後之鵬成立亦娶於
程生二女之鵬服賈海州其貲稍積不幸暴卒訃聞媳悲
傷欲絕氏且泣且慰曰姑生不辰抱爾夫兩月而舅見背

九死一生撫育成立希蕃育子姓以延一脉豈意今日先
我逝天乎命也夫復何言顧此二女係爾夫之遺撫之自


家亦不失婦道無哀之過增我老人愁苦自是分難故媳

而情同姊妹藉族人梗道海州收亡兒所遺之貲附族人

生息以撫女孫焉長適北岸吳病卒媳因視女染疾亦卒

遺次女年幼未字氏復撫之及笄擇嫁徐村徐國祥以氏

年老孤苦歸寧奉侍相依五載而氏卒年八十有九
 女
 偕婿董治喪事啟白所營之塋而葬焉嗚呼氏之孀早矣
 氏之年永矣氏之苦備矣氏之守貞矣觀謹撰



孤芳傳

吾族有貞女者未嫁而守節至年五十父黨夫黨共白其
行於縣縣大夫表其廬曰勁節孤芳於是族子瑄爲作孤
芳傳傳曰貞女名細姑歛潭渡黃似松女幼聘同邑洪
章公之子一綱日章公占籍正定府之深州由國學入官
歷任台州府通判便道歸鄉因納幣焉一綱年十二補深
州學宮弟子員居三歲流寇陷深州日章公時在籍父子
率家僮巷戰不屈俱殉國難姑年十五間變卽自引決父
母力止之則泣對曰女義當殉夫不者亦宜歸夫家成婦

禮今無家可歸必欲生女當依大慈氏以畢餘年耳遂毀
粧易服菴居蔬食者三十餘年一綱之弟一組聞而高之
乃見其子浩謙使奉兄後時洪氏羣從來就謁者仍其素
稱曰師姑艷然不悅曰始吾迫父母之命不得卽從先文
學於九原姑被忍辱鎧以禦強暴之犯耳今幸叔氏不亡
其兄施及未亡人而立之嗣俟嗣子有室吾當反初服於
洪以終有家之義稱師豈我心哉於是聞者益服姑知大
體賢於里巷間齋嫗道媪輩遠矣知縣孫公旣給之扁且
命吏齎幣爲壽蓋以節義風境內云

論曰夫婦以義合者也未成婦則無守節之義故貞女之稱三代以後始見之雖然世風日滴室鮮完操則以女子矢靡他其不足愧爲人婦而有貳志者乎若夫秉志艱貞義動叔氏爲兄立後是大有造於洪也當是時文人墨士知其事者多作詩文以美之梓成一帙命曰孤芳錄並曰章公父子殉國事亦得表章於後世一門忠節金輝玉映嗚呼可以風矣景瑄謹撰

御聖也且加矣景莊難難

尊公受子誠國重德特表章於茲對世一門忠信金瓶玉麈


收其平昔養中物文以美之軒輿一刺命曰西風滌前日

難難殊刃盤只在與世六百歲值斯也當茲初文入地土

天難而其不且此後人繼而存履志善乎器夫乘志難自

難三升以對後景文難然出風日斷宜難宗難限以文千

節曰夫誠以善合善也末也誠誠無言伯文善始自文文



行狀

黃德菴公行狀

公黃氏諱孝則字誠夫號德菴歙之袁繡鄉人也十六世祖璋自黃墩徙居歙西九里黃屯孫光生芮以孝稱唐德宗貞元十九年詔旌表門閭事載郡志後因黃巢過族衆避兵自黃屯渡溪北墓側居焉巢因見門閭旌表嘉其孝行遂詢第所慰諭之下令無犯其村因名潭渡至公之高祖邦俊娶鄭氏曾祖慶長娶呂氏祖淵娶徐氏父大受娶程氏生公與兄孝善高曾以來世有隱德鄉黨咸稱善士

公生十有七歲而父卒弟兄同居皆事母盡孝兄孝善商
游不歸獨奉母撫其姪金聲不幸早喪恤其姪孫泰俾成
立能嗣厥家孝悌慈三者備矣公自幼聰敏器業過人初
就塾師大奇之既長觀書悉能通大旨識時務爲俊傑由
是鄉黨事無巨細咸推公主維素爲吏民所敬凡有訟者
必先質之公悉心誨諭正其曲直或自相責而退或望闕
而返有勿使彥方知之言里有父訟其子不孝者公力警
諭再三父子咸愧悔感泣孝謹終身宋末李銓爲徽州路
招討使公素與銓友善欲辟從仕不起丙子元兵至城銓

遁急以幼女託公公撫嫁之與已女同至元二十七年庚寅三月歛之潛口松源等處盜賊並起殺掠居民奔走駭散公撫諭一鄉悉力防扼恃之獨安避寇者多往依焉至二十日監郡馬思忽總兵討之道經公門詢以軍務公醜酒勞軍力陳玉石不可俱焚遂叅其軍擒渠魁凌六一而返餘黨復熾議再進兵屠之公復諫曰殘寇未悛復起逆命其中豈無脅從註誤之人若槩誅之使良民無所分愬誠所不忍願明公推好生惡殺之心開改過自新之路諭之以恩信示之以禍福使其來降則生民無塗炭之苦若

其不降誅之未晚監郡納其言遂給招安旗幟命公往撫
公單車直入其營賊見之以爲官軍復至搥鼓進兵欲刃
之公下車正色自道姓名呼曰汝元惡伏誅更復何爲我
念汝良民不得已而從逆今領將軍命至欲招汝來歸汝
若改過吾當全汝父母妻子寧家安業如故汝若不悛官
軍復至無噍類矣賊衆素知公名德皆羅拜曰我等誤從
惡逆今欲來歸無由上達幸蒙公布招諭之恩實我等更
生之賜敢不聽命遂投戈感泣率其黨三千二百人各攜
妻子來降及收其器械數千納之官庫各鄉之避寇者皆

復歸田里賴以安全監郡議以功授巡檢使安撫降民公
笑曰吾豈屑屑爲此者遂辭不受時江淮行尙書省差委
前徽州路總管許楫寧國權茶使司木八刺提舉到郡招
諭歙境已平上功行省七檄憲司體實申覆招安功績省
府移咨都省定奪功賞時值朝廷改尙書省爲中書省除
命未下而公卒元貞乙未閏四月二十三日也生以前乙
未七月二十三日酉時年六十一男天麟字國瑞有才德
後公十五年而卒孫儒壽官壽長署烏程縣校官次從師
曾孫塾亦幼慧是皆能世其家聲者矣公素有西山蔡氏

之好廣延名術爲考妣窀穸謀歲癸酉卜地于里之鶴原
以奉其先府君而兆曰吉至元壬辰于郡西七里得吉穴
奉其先太孺人柩自永豐鄉後村徙焉又營壽藏於所居
之西北曰葉千歲大德丁未二月天麟奉柩啟壙藏焉虛
其右以爲公室異日之祔室陳氏孺人進士陳夢松公女
旣歸公事舅姑唯謹撫男女有恩待物寬和持身慎約生
前庚子六月十八日寅時後公十有八年以皇慶癸丑正
月二十一日寅時卽世女名友弟適許鵬南亦儒家子儒
壽兄弟將卜日奉孺人之柩往卽公右乞銘于世之大手

筆以發幽潛之光謂若惺素託末契知公爲詳俾狀其行
自惟卑賤涼薄語言不足以動人強顏敘其梗概以慰稱
揚先美之盛心而公之才之德之實茲固不足以盡之立
言君子更詢里中耆舊則庶幾矣趙若惺謹狀




善五府君行狀


府君諱英壽字士傑唐孝子芮公十七世孫也父庸壽公
輕財重義嘗捐鉅貲腴產築黃潭場鄉人德之號曰德翁
事載郡志德翁嘗艱嗣年五十始生府君暨高伯祖老壽
公我高祖慶壽公府君生有英氣不羣於人故小字曰英
保甫十七而德翁卒母羅孺人猶遣府君偕二弟就學於
先哲吳仲齡先生用能悉通儒書尤精星易之學事母
及二弟怡怡吳先生亟稱之嘗扁我堂曰友愛爲作友
愛堂記洪武初承亂國用重典且庶事草創求人材甚急

有司以府君名聞府君念母老弟弱不忍一日去左右乃
託星易避地於宣城時鄉有吳姓者爲怨家所愬事逮府
君以觸禁綱當遠戍府君嘆曰吾未有子不可以我故貽
禍於我弟之子若孫無已也遂出投績溪縣獄慶壽公聞
之速往代至則府君已自盡矣慶壽公病泣以府君之喪
歸厝於文昌充時洪武丁卯閏六月十八日亥時也距生
元至正丙申六月初五日戌時享年僅三十有二娶吳孺
人孀居貞白克以壽終葬湖田張五角女四人慶壽公咸
厚其奩爲擇配以嫁之祚觀吾門能免謫戍之苦饋餉之

煩勾稽之擾實惟府君之賜不可誣也今雖去其卒時已
二百載抑烏能已於情哉謹用追次於篇以告後之來者

解公撰





黃彥康處士行狀

處士諱壽奴字彥康世居潭渡孝行里祖伯庠父士彰處士少孤能遵服母程安人之訓自念失怙能自刻厲未嘗有子弟之過好讀書知大義至于楊廖岐黃之術皆能造其堂奧時朝廷建國之初徵役蠶午大家世族多致傾覆處士出應官司入奉母氏雖歷多艱未嘗失所平生處心以不欺爲主無戲作嫚爲無疾言至稠人中遇事剖析敷陳義理援古證今亶亶有序聞者莫不歎服鄉人有爭者咸來質正處士勸諭怒平忿釋和懌而退有孤稚愚懦不

能自立者無問親疎撫教扶植皆使有成其于治家理財
咸得其道貲產視舊有加嘗謂其子曰吾聞古人于財積
而能散且吾一鄉之中親則三族疎則鄰里今幸稍有贏
餘量其等差而周施之不猶愈于陳腐無用以獲譴于名
教乎小子誌之以傳子若孫可也由是鄉族咸蒙其惠晚
事母尤盡孝處士暨配洪皆蒼顏皓首婦係滿前事養之
禮未嘗暫廢疾病則晝夜不違卧側湯藥必躬進程安人
既卒哀毀踰禮痛慕成疾經年莫能起厥子克誠市藥求
醫不遠千里以至禱禳推卜之事靡不盡心終莫能救而

卒春秋六十一鄉里之人咸者號呼疎者涕泣咸曰新安
失一善人矣洪氏有賢行善治家處士能施惠一鄉盡孝
事母洪氏有助焉一子曰正字克誠事處士亦孝女二孫
三人道原道宏道元皆好學道宏後處士二年卒尤超異
可惜先君任濟陽得代來歸求婚于黃氏得克誠遂歸之
人以先君爲知人瓏旣忝通家詳聞處士之行姑述其梗
概爲狀請別求立言之君子圖不朽焉江公瓏伯琛撰

湖蘇州府...

...


...

...

...

...

...



潭渡處士黃君行狀


君諱祺字仲禧世居歛之潭渡鄉人無少長皆稱爲潭渡處士君之先曰光者其祖璋自黃墩徙黃屯黃屯以黃氏故得名再徙溪北卽今處光子芮唐貞元中以孝旌其門芮九世孫孝則元初用招降功授巡檢辭不受學者稱德菴先生孝則孫儒壽至元中舉明經諸暨州學正儒壽子塾塾善居藥元季號儒醫黃氏有遺文藏於家塾生祐祐生正娶汪氏女生君君天性孝友不凡年十二喪母十七喪父卽奮然有立不落人下識者卜黃氏當有後時家

道中窘日不暇給君晝則服賈力農夜歸讀書不輟有不
省者走鄉先生質問之家日以裕事繼母如生已每謂人
曰世率謂繼母不慈特孝之弗力耳用是繼母安君之養
曰正吾子鄉鄰亦久而相忘不知其爲繼母也事兄正祖
如事父處二弟正視正祥尤篤愛祥之子華少聰穎君撫
其首曰是必亢吾宗諸子不及也取爲郡學生又遣之淳
安從學士商先生游舉成化乙酉鄉薦力學惟謹恒恐失
權於世父先生兩賢之君生平操履一毫不苟鄉人或病
其太執弗顧也然事有越理者卽相戒曰毋令潭渡處士

知其爲人嚴憚如此居喪奉祀一用朱氏禮或勸其少從俗者君正色曰吾生朱氏之鄉而用其禮何敢違之二親喪在淺土俗人惑於地理之說不克襄事君曰是不難取其書讀之不數月了其義曰蔡西山吳臨川不我誣也得地於歛之東鄉曰江村灣者舉以塋焉後雖有精其術者莫能易也周困乏振寡弱惟日不足乃更爲醫有以疾告雖地險僻天大寒暑走應之無倦報以錢幣則笑而却之曰吾豈射利者哉晚歲喜賓客至者日相對讌樂劇談抵夜分不休子弟多以勞勸止曰吾自有樂地女曹惡足以

知之道路橋梁圯有司令下無應者君一語倡之不期而
集至以不預爲恥歲時聚族人於先祠諄諄以繼述爲言
然獨君孝不愧於旌君隱不愧於德菴讀書不愧於學正
惠人不愧於儒醫可謂一鄉之善士矣君生永樂甲申冬
十月二十有四日卒成化癸巳秋七月二十有八日享年
七十娶汪氏潛口巨家女生子四長文昌先卒次文盛文
亮文英女一曰秀正適吳還宗孫男二長天祿次天才孫
女四長殯清適許大祥次淑清適汪永潛餘未字文盛等
卜以某年月日葬君於某里之原華方上禮部得君訃驚

慟幾絕又深懼其行之不白無以銘諸幽以走鄉人知其
詳請爲狀以速銘於太史氏走與華友且念鄉之老成不
可以復見也謹狀程公敏政撰





從弟文敏行狀

從弟文英字文敏行四正統丙寅二月二十二日卯時生
其卒以弘治甲寅九月十七日戌時得年四十有九高祖
諱暨字季華曾祖諱祐字士亨祖諱興壽字彥正考諱正
祺字仲禧籍名斌母孺人潛口汪氏長兄文昌三兄文亮
皆先卒惟二兄文盛暨姪天祿協心總理家政議圖襄事
厥配孔林汪氏生女喜弟適西溪汪道芳文敏因未有子
摘繼天才天相二姪入戶承宗爲人賦性溫和天資穎敏
自幼至長謹重如一蚤年仲禧伯父最所鍾愛每謂伯母


祖

汪氏中年誕育文敏恒以不及見其有成爲憂一日乃謂華曰此子命類貴顯今遣與汝同往江浙讀書以觀其用功何如及文敏稍長專意生業彌篤伯父又謂華曰此子今雖無志進取他日亦當作一巨商生計不足慮也吾老不及見汝謹記吾言爲他日驗華時方從淳安商先生游未入郡庠鏤刻伯父此語不敢少忽自後文敏經營四方懋遷靡不如意今家日益裕業日益廣伯父之言信有徵矣第念華也碌碌仕途倏忽許久今又備員職方未遂桑梓之游不得與文敏從容話敘平生爲亢宗守成之計此

吾所最恨者近因長至朝廷分遣文武臣工往祀五陵華
以部屬從事回得訃音不勝駭愕痛悼旣自累日寢食不
安哀思迫切披淚之餘因審文敏臨終遺言申繼二姪承
祀于無窮安厝鳳凰妥靈魂於悠久厚遺愛女處置二妾
悉皆人心天理之公言益可見文敏賦質正醇其有得於
仲禧伯父家庭之訓不淺也嗟夫死生晝夜人道之常嫡
繼相承古今彝典高宗南渡摘繼孝宗千載以爲美談况
下此者可不知所觀法遵義遵道會歸于皇極乎矧君民
之分雖殊繼承之理則一故凡民之未有後者要在不失

祖宗之正傳不蕩後人之生業爲第一義也在文敏今日雖嗇其傳然素性甘田園不求聞達篤孝于親友于兄弟睦于鄉族和于里戚且平生寡言行之失著勤儉之名視諸姪如子未嘗以無後而越繼外親妄遺寸產今諸姪爲之後者爲之子他日繼子而孫不知所自可乎然則亢宗如文敏起家如文敏謹言慎行如文敏胡可多得哉嗚呼文敏雖亡其不亡者蓋如此夫豈不可式化于一鄉哉予與文敏手足情深今雖喜其嫡繼二姪承嗣宗支尤恐不足以及慰九泉惓惓之情輒不自揆妄欲節約文敏臨終遺

言并擗節文敏生前繼今以往之事且感文敏身死之言
寧不重致感慕於文敏耶文敏歿矣事之當爲者寧敢避
小嫌哉兄華謹狀





明故處士松澗黃公行狀

余觀郡志大書潭渡黃氏孝義云孝爲唐孝子芮公義爲
宋德菴孝則公豈非黃氏之巍然者乎獨惜志中漏松澗
處士孝義吾未能與局中秉筆羣公言之此余過也處士
諱鏞字時振別號松澗世爲潭渡人爲晉新安太守元集
公裔太守公歷傳至德菴公世多瑰瑋名流詳於家乘德
菴公歷傳至新蔡合東園公配汪孺人生處士資性樂易
與物無競恢然長者少嘗業儒期明經用世然以東園公
爲學官弟子不能治生遂謝去儒業匕商取什一養父乃

商閩魯間不仰機利因時任人善治生致高貲時東園公判陳州令新蔡矣處士知父當官潔白不妄取民財時以客貲餉陳蔡官舍陳蔡人曰黃侯廉實繇處士養志云處士雖致富羨素不織嗇亦不效諸賈人連車騎飾冠劍爲侈靡態無何東園公與汪孺人相繼捐世處士喪祭如禮既襄大事復遊閩魯時年幾耳順矣忽感術者言嘆曰年暮遠遊譬鐘鳴漏盡而夜行不休可乎乃以貨殖授諸子引身高蹈丘園諸子競爽恢大先業治鹽維揚以善富名爲大賈八處士雖家居早作夜思勤置田宅以永思扁堂

取宋陳思道之思亭記云見孫民望穎慧延名師訓迪一日聞民望讀魯論至從我于陳蔡者皆不及門泣然出涕民望跽請曰大父何悲處士曰嗟乎吾昔從東園公于陳蔡今而東園公不在堂吾是以悲耳於是刻東園遺稿以繫思卽此一思而永思如陳思道記者可想見哉孝友天性處諸弟羣從族黨友睦皆有次第人多誠之撫鮑氏外孫不異諸孫如魏徵之撫薛稷雖重報施而猶以德直報怨襟抱坦夷喜怒不形嘗遭禍無妄有子繫獄者七年人唁之處士則不色憂惟曰天可怨而人可尤乎哉子旣出

獄人賀之處士亦不色喜惟曰吾見能繇此堅志熟乎仁
否也識者知其順命處士居鄉平心率物論事成敗人淑
慝如燭照數計與人言論每依名節鄉人事多質平昏夜
有求濟者如取水火性愛松見鬱鬱迨然而喜聆其勁聲
粲然而笑乃曰吾不負松君松君不負吾哉因號松澗此
其爲人豈灼灼園中花可擬耶處士八十初度丹顏白髮
諸子孫曾羅列姻郇畢集進觴衆健羨如神仙中人恒以
不得宅兆塋親爲恫至病革沾匕命諸子待此瞑目若處
士者謂之永言孝思非耶距生成化乙巳八月初十日亥

時卒以嘉靖乙丑十二月初四日申時享年八十有一壽
矣卒之日人皆爲之盡哀配孺人向杲吳氏有賢德先處
士九年卒子四人長德溥娶方氏余之堂妹也次德潤娶
脾充胡氏次德深娶溪南吳氏次德淳娶棠樾鮑氏女一
適棠樾鮑志寧先處士卒孫六人長民望爲府學生娶溪
南吳氏次民安娶潛川汪氏次民表娶呈坎羅氏次民悅
爲府學生娶富場汪氏次民敬聘槐塘程氏次民怡聘溪
南吳氏孫女三人呈坎羅文煥溪南吳坤鄭村汪紹舜其
孫壻也曾孫男六人長廷臣聘溪南吳氏次廷試廷相廷

誥廷訓廷言俱尙幼曾孫女五並未許聘若處士者富壽
康寧子孫蕃盛非令德所致然乎溥等卜是年閏十月四
日奉處士之柩權厝于西楸木樹下先期屬余爲狀以余
妹氏字其門知處士令德之詳余嘗評處士深淳之行廣
溥之德使生當漢時作漢書者必與龐公者入逸民之傳
生當南朝作南史者必與郭世通者入孝義之傳乃今顧
漏于郡乘實余避嫌之過也惟當時鉅公哀而賜之銘傳
發其幽光黃之子孫永懷當何如耶謹狀陶山方公信撰

黃羅峯公行狀

我曾祖考仲旭府君善繼世世積深而發遠三子六孫咸克家不替益隆我考坦璧先生府君獨愛之晚愛羅峯翁翁後先生十二年卒爲今嘉靖七年己丑距生天順七年甲申壽六十六踰我考僅一年傷哉訓不學至今始釋褐時思我考病呼天願視訓一舉乃瞑竟不如願以卒訓方五內痛裂而翁訃又至矣傷哉我考寬厚長者翁貌魁梧寡內欲威宜壽咸不得中壽傷哉翁諱天爵字一貴考休菴公實府君季子也母汪孺人生翁翁幼嚴重有性氣不

伍群兒少有亢宗志從休菴商錫山志不得後商聞魯乃
得志弘治庚申病魯之臨清弟一魁石自家走視尋愈言
歸曰吾未有子吾不出矣自是兄居弟出志日得而家日
大所謂不替益隆者翁有力焉歸明年春暉堂火翁別構
七成面黃羅峯特秀因以爲號正德辛巳今天子登大寶
賜大老冠帶休菴適八十與翁復前構一堂顏晚翠以壽
新菴唐臯學士三汀陸深司成有序有記鄉人榮之又明
年翁配汪孺人先七年卒諸妾無子有後議一日宴宗親
請于休菴曰兒無子弟次子誦宜嗣宗親翁然畫諾後議

帖然是年休菴卒汪孺人先二十二年卒咸殯如禮未葬
今年君在臨清翁手書曰吾老矣吾及弟吉壤葬親死不
憾豈意書在手而翁卒矣卒時誦在吳之上海不及訣獨
君伯子記訣以克家屬記克歛焉傷哉翁自奉儉賓至則
豐問惠人必實構亭黃土嶺過者暴風雨有避三夏渴則
飲以茶尤篤孝友休菴家教嚴甚翁謹受無難色愛敬怡
怡內有言置不聽卒全友道世翁嗣嗚呼翁固黃氏之傑
然者耶君傷甚慟不及訣走書京師使狀行訓亦傷甚不
能文槩狀焉以俟銘墓嗣子誦娶洪源洪氏生女一容弟

云謹狀訓撰

然嘗亦持身其端亦又結法書京眼對形行

計內亦宜置不離卒全文散世餘歸欲也梅固黃刃支

始以蒸式魚率式水華宋楚繼其轉動受無暇也受地


豐則惠人心實制亭黃土巒巖昔暴風雨官越巨衰國

探前于請焉以東寒風請京燈露幽菊餘自奉劍其至

辦豈意書并手而餘卒矣卒扣請亦退文士心不又起

令爭持亦嗣前餘手書曰吾求矣吾又策吉與擊賊不

補然暴于於春卒武誠人長二十二卒與賊賊賊未



故中順大夫荆襄道兵備副使黃公行狀

公姓黃氏諱訓字尹言號鑑塘既第更字學古號黃潭歛
孝行里人唐孝子芮公二十三世孫宋逸民孝則公則其
八世祖也高王父季華公會王父仲旭公王父文器公俱
有隱德父琛號坦璧母殷孺人子三公其仲也公自少岐
嶷多膽量嘗嬉戲爲官府狀麾使羣兒卓有大人矩度鄉
老私識其不凡入鄉校授書過目能成誦對句吟詩超人
意表丁卯大比郡守何公試子房明哲保身論督學黎公
試鄴侯范蠡魯仲連論俱寘高等以儒士應鄉試公名由

是噪郡邑癸酉選紫陽書院生二十八人公與焉戊寅丁
父艱哀毀踰常治喪一範於家禮不用淨屠法乙酉中鄉
試第十一丙戌丁內艱己丑中會試庚寅夏選浙江嘉興
府嘉興縣知縣既至首却樣金三千後遂爲例其治民先
教後刑民多修飭不忍犯公以下情難上達命獄置大鼓
凡冤獄不獲伸及錢糧久繫者許擊鼓自辯舊俗多火葬
公謀諸義民朱治等置義塚于大彭鄉爲記以諭民自是
灰棄骨肉者息矣養濟院頽公申文新之自是鰥寡有託
矣浙俗豪宦多田產縣官不敢問稅攤貧弱賠贖不堪則

多逋竄公不畏勢利責課一以法自是流昨始復業矣他
善政不勝書百姓愛之如父母遠近一致癸巳秋任滿行
取至京當道擬擢公諫垣其從者索兼金公曰是誣我一
生矣寧不得從者中傷之擬擢知州選郎力爭乃授兵部
車駕司主事乙未春部委查催南北二京會同館馬價便
道抵家倡建德菴公祠請記于郡守雙石馮公公詣祠拜
謁爲記壽諸石丙申秋赴部九月陞武選司員外署郎中
事庚子冬考滿諸當道皆書稱職辛丑春擢湖廣按察司
副使荆南兵備襄陽撫民同寅咸以公去部失望是歲四

月出都將由家之任疾忽作舟至東昌安平鎮就醫居使館忽見胥吏數十輩執手版拜階下公驚歎曰古稱修文館召不妄也卽走書臨清呼族弟錫玉議後事時巡按御史閻公琳巡河郎中張公文鳳率醫日往省而公疾不可爲矣易簣無他語惟以君恩未答平生所學未盡施爲恨閻張二公治喪事如禮公生平事親孝母老病痿不能起公親扶持十易寒暑不廢兄謨年邁子幼公爲周恤區畫弟誨少業書學于公公懇乞督教今由郡庠爲太學生友人葉君卒公植其弟士新吏諸學捐貲爲次第畢姻及士

新在京辦事死公爲經紀後事送至家太學生汪君得之
卒于京公爲之棺歛其他篤於親族事尤多公文汪洋弘
肆別成一家所著黃潭文集讀書一得書經簡端錄大學
衍義膚見若干卷所輯有名臣經濟錄若干卷是書與大
明會典相表裡軼惜闕尙多蓋公未竟之業也他著述甚
富以病起倉卒子允周不在侍故遺文散落者多公嘗欲
修徽州府志續新安文獻志黃氏統宗會譜復新安太守
元集公祠立坦璧翁長者坊已闕里門大道更欲建萬古
黃潭亭潭湖書院進士坊世科坊司馬坊于孝行里亭後

俱資志未就配胡氏早卒繼孫氏爲戶部主事孫公大全
女俱無子側室薛氏生子三允周允魯女二適某某
癸巳遇覃恩贈父琛嘉興縣知縣母殷氏妻胡氏俱孺人
孫氏封孺人公卒以嘉靖辛丑五月二十七日子時距生
弘治庚戌六月十八日丑時得年五十有二卒之日囊無
一帛亟往臨清市四帛始克就殮聞者服公居官清白且
惜公才未大用于世云祚謹撰

黃立齋公行狀

公諱記字學禮父東溪翁母方孺人翁嘗艱嗣納側室
左氏歲庚午始生立齋公是年方孺人亦生弟學詩公
幼岐嶷弱而慧童而壯草而就外傳識不羣祖休菴公
愛之甚旣冠從黃潭先生業尙書先生曰是可與立者
因號立齋間從吳復洲程竹山諸先生游學益成嘉靖
乙未試補府學生遇例入北雍轉南雍屢試冠其倫祭
酒馬公器之送戶部歷事爲人淳重儒雅寡言咲慎許
可與人交久益親事父東溪翁母方孺人先意承志弗

少逆嘗佐東溪翁構晚翠堂逸休菴翁撫諸弟學書學
易尤盡情娶潛川汪氏賓率有道中葺允宜義方訓諸
子英英濟濟爲克家噐其于處宗族謙而恭與交游誠
而信下逮臧獲亦以恩東溪翁嘗商揚立齋公嘗請假
亟往代未幾遭瘡疾歸庸醫莫速效攻之急元氣大傷
由是疾作越明年東溪翁壽七十公力疾率諸弟乞文
延賓介壽娛翁於春暉堂累日僉謂公疾愈矣而不知
公固不敢以憊廢禮也迄秋果疾不可爲易簣際諸子
環執燭東溪翁在焉惟以未及祿養爲歉無他語卒年

黃竹泉公行狀

公名允周憲副黃潭公長子幼岐嶷穎異績學不倦憲副
公雅負世望多所著述官職方時日討司馬法而綜綸之
公竊好焉侗儻不倦有濟時之志稱翩翩佳公子矣亡何
憲副公不祿公年始十七二仲甫髫公獨當戶遂廢舉子
業內事二母無間言督二仲學甚力而友于尤篤及二仲
補弟子員公喜曰憲副書香可弗絕矣於時倭躡東南少
保胡公督師吳越得專辟召先是承憲副之知以故人子
辟居幕府公顧多大畧所發策嘗竒中少保愛之將特奏

補官公謝曰：「周何足辱薦牘，且二慈垂白，安能久在行間。」

以贈朝衣，遂謝去。及少保禍作，多所株及，而公脫然事

外人，咸服其先。幾云：既二母相繼逝，哀毀如禮。公配汪孺

人先卒，遺一子二女。繼方孺人至，是又卒。公年未強，仕卽

不娶。或勸之曰：「吾不幸喪吾偶，於時子女孩提，故再娶耳。」

今子有室，且能養吾，何用三自是家居，不復出。二仲困於

儒公所以佐之者，無不至。仲俱蚤世，撫其孤亦無不至。其

於敦倫，蓋天性然。在閭里，樂善好義，不依阿苟容。雖貴富

貧賤，禮之如一。無二貌。比鄉人有構，得公居間，則解公蓋

黃東泉處士行狀

處士諱誼字宜之東泉其號黃之先有諱璋府君東晉新安太守元集公之後自黃墩遷居黃屯四世孫唐旌孝子府君北渡廬墓因名地曰潭渡後遂家焉旌孝十四世孫諱孝則佐擒劇盜全活脅從千人不受賞衆德之號曰德菴德菴四世孫諱儒壽諸暨州學正學正五世孫諱正祖正祖次子諱文惠文惠長子漬緣繼室吳氏晚生東泉甫入小學而父卒連居父祖哀喪慟禮節如成人見家遭厄會卽奮志異羣兒稍長賈于閩魯基之以勤儉叅之以籌

畫將之以果敢頗以奇勝未足自協遂轉轂于温于杭及
汴揚都會之區鹽與子錢並舉擇人而任時間出廉賈能
度息更入厚積速而成同儕莫之或及內外之親見委
任者皆贅焉先是曾祖之宅兆安厝冢子獨任其費至東
泉謂子孫當各自盡率衆歸其費之半以償之揚歛增置
新城營建令市巨木咸憚勞費督責爲規避計東泉受命
惟謹率先期克辦議者謂其不獨善積亦知所用於君親
者臨事變罔脂韋詭隨族之義男負咎因主撻之而死媒
利者蜂起而挾持之又有義男及其主者有司曲示意向

結詞必出于里胥東泉皆公言其實未始少徇雖上怒群
猜不之恤於綱常卒有裨益以是鄉之持衡緩急者時質
平倚仗焉晚鑿池築亭爲佚老計竟不暇自佚尋走溫中
道病卒於處時嘉靖庚申年三月十九日申時距生弘治
己未四月十一日巳時享年六十有二配曹氏再娶楊氏
劉氏蔡氏子三孟允器曹出娶汪氏仲允電楊出業儒娶
唐氏季允霑蔡出女一適唐汝範孫男一循忠器電迎樞
以歸卜以十一月念有二日奉厝于居西之汪家林不忍
先行之泯其實請狀憶予解官歸嘗宴聚東泉慨然曰宗

祠狹陋久矣時當新而大之庶足以報本而合族願出百
金以倡囑予草疏以鳩族人稿具一時富者莫之應同聲
于席者固亦不堅東泉曰役巨非一人所能姑俟衆輟予
終不食前言嗟夫力足有爲者何限顧其志僅一見之而
竟不易就豈更事者或限於後時哉予悲其志之無成因
次其行而表之珣撰

墓誌銘


逸民黃公墓誌銘

公諱孝則字誠夫其先有諱璋者居歙西九里黃屯曾孫
芮以孝稱事見郡志後自黃屯北徙潭渡高祖邦俊曾祖
慶長祖淵考大受皆有隱德不仕公早孤事母程盡孝事
兄孝善如父讀書通大旨及長才器過人宋守將李銓與
公友善欲辟從仕不就至元丙子元兵入徽銓以幼女爲
托而遁公撫嫁不異已出庚寅盜起歙之潛口監郡馬思
忽引兵擊之以公叅軍事遂擒其渠魁而還餘黨復肆議

欲屠之公請曰餘黨未散實懼死爾苟能諭以恩信示以禍福皆良民也監郡是公言乃昇一幟往招諭之公直入其巢賊不測露刃以俟公正色叱之曰元惡已誅若等不散何待我今所來乃全汝性命活汝妻子宜急釋兵毋自夷滅賊素知公名德則投戈感泣羅拜請命公乃收其器械復其田里餘黨悉平府錄其功上之行省欲官以巡檢使公不屑意曰吾豈爲此者哉公雖不仕而好與人分曲直未嘗以私枉人有言其子不孝者諭以慈孝之本父子悔懲俯首遷善凡里中有不得其平者輒就質焉兄蚤世

割膏腴以讓其弱息至於成人元貞元年閏四月二十三
日無疾而卒享年六十有一夫人陳氏前進士夢松女後
公十八年卒子男一人天麟後公十五年卒女適許鵬南
孫男二人儒壽官壽儒壽爲紫陽書院直學與夫人合葬
於里之葉于茲直學以趙公若惺狀來徵銘昔先君子主
鄉邑簿督造海漕大艘知公能幹悉以委之果不勞而事
集余因熟接眉宇蓋溫溫如不欲言者今三十餘年矣復
知才幹之懿又如此若公者豈止爲一鄉之善士歟是宜
銘銘曰運始更國務繁一士勞百枕安孝名家澤有源疏

其流裕後昆韞於中鬱弗宣銘幽室昭厥傳洪武壬子仲
春望遂昌縣主簿致仕邑人洪焱祖撰



歛仲述處士暨徐孺人合塋墓誌銘

嗚呼此歛黃處士徐孺人之墓其子爲今兵部職方主事
華其地爲鳳凰村律充原萬羅山其向子午蓋處士之塋
也不及誌追樹表焉後十有二年華將奉孺人以祔廼泣
爲狀請敏政并書之惟處士歛耆舊孺人佐之成其子而
殖有家用顯黃氏法不可以不銘君七歲喪母汪十三而
喪父興壽君兄弟中最稚弱能自飭服勤儉至長老紫日
以興念非子種學終不足以光世乃送華入郡庠又遣受
尙書於閣老商文毅公久之薦於鄉邑八大歡謂君夫婦

之善居子也華五上禮部弗利最之益勤曰命也勿戚
果舉進士令撫之金谿過里日置酒上壽姻黨畢集處士
喜甚曰是雖榮必努力公家以不負今日吾乃安爾事受
訓唯謹又一歲以入覲獲再省焉抵任而處士終年蓋年
七十有六矣華改令岳之平江也孺誨人諄諄如其父以
是華政美有聞用部使者薦召入朝復過里鄉人益觀慕
以爲榮其官職方也念母不置會陝有戎事請行計歸日
可取道省母未行而得訃於是孺人年八十有九矣處士
諱正祥字仲述所居歙黃屯徙潭渡出唐孝子芮之後性

和易不苟喜怒周窮困奉繼母程如生已事三兄甚友其
教華不獨事舉業又勉之繼述俾倡立祠享孝子合族人
爲黃氏譜傳焉晚結茅黃山下種樹佚老甫成而不起孺
人出歛朱方亦早失怙恃內行甚肅喜儉樸晚率其冢婦
介婦汪治女紅如壯時蓋儿勤家恤祀逮下裕後之懿與
處士媿德而無歎處士卒成化甲辰八月九日孺人卒弘
治甲寅十二月二十七日子男二雄華雄先卒華卽職方
君也女一適方塘胡禧孫男四瓊琪瑤珂孫女一適鄭村
鄭楷曾孫男一鉞女一尙幼惟處士夫婦刻意教子而躋

遠壽睹其成蓋天之報施善人不爽也恩被地封澤及漏
泉以昭其令名於一鄉也有日予與君同郡且重華請迺
撮羣行而於教子事特詳焉又系之銘七曰惟歛黃君孝
子之裔有聯德兮厥聲孔懿力哉庭訓續我世風爰曰其
成並壽考終於帝降祥一視所積鸞封賜來光此竈突鳳
村叶兆山峙川澄貽後有銘錫類之徵弘治乙卯賜進士
及第嘉議大夫太常寺卿兼翰林院侍講學士同修國史
經筵官兼修玉牒新安程敏政撰文

明故朝列大夫福建布政司叅議黃公墓誌銘

公姓黃諱華字實夫號守愚唐旌孝子芮公之後曾祖士
亨祖彥正俱潛德弗耀父仲述以公貴贈兵部職方司主
事穎敏夙成讀書過目輒成誦年十七受壁經於淳安商
文毅公公以其敏而好學深加器賞弱冠補郡學生成化
乙酉中應天鄉試時年二十二五上春官不利公益自奮
勵遂登成化辛丑進士第試政都察院未幾授江西金谿
合丁父憂服闋補湖廣平江令金谿俗尙鬪好訟公刻力
行教化聽斷惟公爭訟頓息囹圄幾空平江土瘠民貧積

年賦稅不登獄有數年不決者公則先勸課緩催科平反
疑獄由是流移復業盜息民安至於作興學校追祀鄉賢
以至廳宇次舍道路橋梁凡民義所當務者靡不盡心力
而爲之至今去思留兩邑弘治甲寅陞兵部職方司主事
未幾丁母憂庚申進車駕司員外郎壬戌進武選司郎中
其在職方謹城隍鎮戍烽堠之政其在武選嚴勲祿品命
襲蔭濫僞之弊在車駕時嘗奉璽書遍歷中都留守司山
東都司及南北直隸各衛揀選京操軍馬得精兵若干以
補缺伍清理水陸驛遞得餘銀四十萬餘以實京帑大司

馬鈞州馬公華容劉公咸多其能甲子陞福建布政使司
右叅議在任未久卽欲上疏乞休會漳汀二州流賊猖獗
鎮巡檄公討之公奮然請行已而果平正德丁卯逆瑾擅
權方正倒植公因進表乞休致歸則構園鑿池左圖右史
日徜徉其間扁其樓曰黃山以三十六峯在其北也樓下
有斬顏曰後樂公之志可見矣公體貌魁梧與人交誠心
直道無戲言僞行尤篤人倫筮仕初卽爲三生錄備載君
親師之恩德以圖報稱安人汪賢而無子視側室陶氏張
氏若姊妹然撫愛諸子如已出及卒公卜地於東山而葬

遍求鄉大夫士詩文集成一錄題曰閨賢以表揚之

子三
琪瑤珂孫男四孫女六曾孫男一曾孫女二公生於正統

甲子二月一日卒於正德庚辰七月十二日享年七十有

七茲琪等啟汪安人之墓而合窆焉先期瑤特地官胡君

大全所撰行狀謁於稽山草堂拜且泣曰先大夫不幸疾


革時進諸孤而語之曰吾榜首餘姚王先生直筆正言足

以信今傳後昔汝母之墓嘗乞銘識其實今吾死若等必

再往乞銘銘我雖死無憾言畢復拜且泣予方臥病不親

筆硯久矣聞大夫言豈以余為知生知死者乎不忍負其

遠來之意遂力疾次其狀而系之以銘曰瞻彼潭濱喬
木連雲奕奕世家赫々厥聞肇自有唐以孝旌門慶源斯
溥澤流後昆蜚聲科第劇邑載更贊政司馬綽有令名擢
叅藩輔千里干城出處行藏視時與義枉道徇時匪公之
志明炳幾先超然遠逝優哉游哉樂以忘歲維忠寧君維
孝顯親服膺師訓守道終身三生有錄五典並敦匪徒勸
世庶幾成人東山之原佳氣氤氲叶我吉兆方岳新墳過
者趨敬唐孝子孫論世功德視此銘文餘姚王公華譔



處士黃文懿公墓誌銘

按狀公歛西潭濱黃氏諱道善字文懿幼諱蒼暮年號蒼
江野叟曾祖諱祐祖諱彥初考觀質皆隱居行義昆季四
人公其仲也性穎敏端慤周慎不習群弄不尙統綺自奉
澹如事親盡孝承順志意而甘旨弗違事無巨細必稟命
以行親有疾藥食必親嘗乃進累旬日衣不解帶甫三歲
喪母汪氏哀慕如成人既長事繼母鮑亦竭力奉養唯謹
居喪則哀毀逾禮有常情所不堪者及葬追慕若將見之
至老弗渝篤孝之行人無間言里父老訓子之事親必指

公爲矜式處兄弟群從咸得其宜待賓姻則

謙抑自持從

容談論務盡其歡鄉族吉凶慶弔之禮幹旋周

密亭無愆

忒里有貧不自給者周之粟貸不償者焚其券智周於物

惠洽於人雖燕居必冠服自如公能篤於孝友蹈義執禮

如此可謂篤行君子者矣平居以廢箸殖業與物無競視

先猷益恢拓故廬旣毀新創愈光嘗訓戒其子長壽曰吾

平生敦義溥利無馳騖乎其外僅守先人田廬靡有銖寸

虧益恒自慊於心汝當砥礪克家期無忝前修可也於是

長壽奮力商遊聲業彌裕身雖在外而心戀七於親側每

有望雲之思癸亥冬十月忽心痛流涕意其家必有不測
之憂如庾黔婁故事卽日整歸計浮江歷險道經金陵偶
遇鬻壽板者遂倍價買歸公見之而喜時繼母鮑疾革將
危至十一月初三日卒殯塋如禮公以喪哀慟少食情鬱
鬱弗伸召其子長壽諭之曰我年旣邁壽木亦美我事當
終矣長壽驚愕卽延醫療治巫禱百神求以身代靡不至
公復語之曰生死有定理慎勿妄爲吾命止此不可復支
雖生汝一人頗見成立可稱其家當善事汝母東無他囑
語畢而逝乃冬十一月二十七日酉時也享年六十有六

上週其生則正統戊午十二月十一日亥時娶結林方氏

生一子即長壽也娶貞白鄭氏女桂其適孔林汪采浩孫

男沂聘郡庠生胡燿女孫女娥容許鄉貢進士鄭浦男尚

在室長壽卜以公卒之年十二月十三日奉柩厝於里東

觀武坦先期雨雪經旬不止長壽慮大事不能舉旦夕拊

棺慟哭至日黎明天漸晴霽親族導送皆得引棺奔赴弔

者大悅事畢雨雪復作人皆嘆為孝德所感云夫人之立

身莫大於孝而處物莫重於義公以是上格於天下孚於

人冥心夙契蓋得於祖澤漸被而然其子長壽又嘗有望

雲思親之冊一時士夫皆有詩文以彰厥美公既孝而嗣
子又孝其孝可謂源源不竭矣詩云孝子不匱永錫爾類
其以是歟長壽泣持雙橋鄭伯奎狀請銘於維揚公館予
雖未識公觀其子詳考之狀足以知之矣故不辭而爲之
銘曰篤於孝敦於義允繩先烈克昌後裔命雖有常行則
無慙我銘斯石以昭百世弘治甲子春三月旣望賜造墓
第中順大夫太僕寺少卿前吏部考功郎中海陵儲巖撰



明故綏德衛指揮僉事黃公墓誌銘

公諱長壽字廷祉號望雲唐旌孝子之裔曾大父彥初大
父仲彬父文懿世有隱德望雲幼岐嶷異凡兒長習舉業
以家累棄去娶鄭氏三日遭回祿貧益甚鄭脫簪珥資商
齊魯間嘗登泰岳見白雲起東南輒感而泣濟寧李侍御
作望雲詩解之因自號云移業維揚忽心動歸祖山山田
卒父以哀瘠而病劇望雲侍湯藥衣不解帶既卒殮殮哭
不絕聲塋遇雪復霽人以爲孝誠所格兄珪臨終託以後
事爲諸子解紛家賴以全取予皆不妄禱度謚如有過必

面折改復處之如初交游縉紳之敬靡懈雖親且厚未嘗
干謁客揚以薦爲客綱其都轉運使如山東畢公浙江胡
公江西李公咸信愛之祁門汪鶴仙少詩可獨於望雲推
讓事必偕籌畫然後行望雲買地築室旁有隙土爲富豪
所奪不與較焉馬借少乘而弗反無憾色正州朱拙逸素
相善倡義周其急王復初競鬪片言以解金陵方宗顯貸
金三十兩而歿示其子不復取江右塾師胡佑歿逆旅莊
輅暨武陟馬君母歿於家百戶杜忠歿於淮獄俱爲具棺
殮且助胡佑歸途費他如嫁吉珊女活章貴妻拯柳子供

張鐵筆輩患難皆不以存亡常變易心至於買妾助無嗣
之儒散錢掩餓莩之骼拾金還其子以救父破券完其女
之念母有不可枚舉者性喜蓄書每令諸子講習加訂正
尤嗜攷古迹藏墨妙與文人登高弔古終日徜徉不以世
故撓其心所著有望雲遺稿藏於笥刻文公家禮詩文玉
屑雪州文集望雲集壬辰集壬辰續集及江湖勝覽行於
世卒嘉靖癸卯十月二十一日戌時距生成化壬辰六月
月初四日戌時享年七十有二鄭公為真白里鄭承亨女先
望雲正德壬申六月十八日未時卒生之年與望雲同歿

儉由饋塋雲成家得其助居多子四長所次沐三波四洞

女三孫男三孫女二曾孫男三曾孫女一卜葬於明德鄉

之高坦望雲世爲歛潭渡人以輸粟授綬德衛指揮參事

以行誼重於揚爲郡賓云夫望雲偉貌美髯望禪知堪社

神仙中人孝友誠篤重於鄉族信於朋友且行義所 緩

急可仗蓋賢而隱於商者也予訪族正州與地官黃靜樂

善靜樂尤善望雲遂定交焉比需次來居望雲念子貧助

三十金遣子沐從予游則知予莫望雲若也予嘗究望雲

長壽之名曰某將生先君夢一老僧問之曰從四川長壽

來既而產某遂名則蘇子瞻王梅溪前世爲僧之事信不
誣也予每愛望雲挾貲不競大利但少有所得卽轉售於
人視積以待價間一如意而時多致敗者不侔矣則知望
雲又莫予若也銘安可辭銘曰潭渡黃氏起家孝子貞元
有詔表厥宅里餘慶攸鍾不匱錫類葉二十二爰生廷祉
梁公望雲先後一揆心動亟歸式當大事施於澤物是亦
爲仕老宿投胎慈悲乃爾高坦允藏山秀麗燕羽異繩繩
百年萬祀都察院副都御史蘄谷王公大明撰


日公轉至

金公少所

孟莫甲

玉其

光



故國子生黃彥修墓誌銘

歲辛卯夏五月己丑國子生黃彥修歸正寢攷終蓋未及
艾者四年猶不得爲中壽惜也於時室人吳晝哭於帷內
四子婦二女從諸子士正士莊士寧士圭哭於帷外諸孫
啟虞啟襄啟宇從諸姻氏吳光嶽孫承誨程汝宗程光祿
守諾程孝廉道章以匍匐至哭於賓位子婿汪九州吳士
都從服始成五宗六屬皆就次各盡哀弔者自四方來財
太守董公遣使自郡中至大宗伯泰公少司^女王公主爵
項公使自南海至司理戴公使自左輔至喪且舉則余白

衣冠臨之於時聞五宗六屬之言曰夫喪彥修而善人懼

矣老氏亟稱上善若水水利萬物而不爭江海為百谷王

下也彥修曾大父曰道明始饒富大父曰天壽浸至不貴

父武毅將軍子鍾為豪舉從汪受室三世素封汪舉彥修

蓋丙午夏五月辛酉武毅命之名曰正祖年十七入成均

夫夫生世家蒙故業仍厚利襲名高即憑盛氣務上人亦

庸態耳顧獨偃僂自下不啻循墻武毅遣僕鮑秋掌計金

陵秋不法法當棄市且乾沒巨萬自焚邸舍以絕蹤彥修

力言之武毅而置之無用批根為也庶弟正宗既授室羣

小道納於鄉父兄所授遺金旦暮且盡彥修憂之甚法言
不受入以異言因自責曰弟之不馴吾身教不立耳異日
者何以見攷氏於地下吾其罪人也夫縣大夫聞之曰長
者因薄責正宗彥修詣縣大夫幸得及於寬政縣大夫多
彥修義乃罷正宗里人有鬻產者彥修予之價有加其族
之黨小有言彥修爲弗聞也者平之矣里人死貧不能喪
彥修予之棺吾終不以一肯而棄之溝壑里人奉彥修爲
質期俟納采歸子母錢其父潛受鮑氏命函不以告事覺
彥修焚其券遣而歸之常過武林歲大疫居其室南妻子於

市視之知出故家遂傾橐駟之不問
名氏居數月其人帥
妻子待命於門門者曰若爲誰何對曰傭爲武北人尚質
也昔賴長者予金活八口之半傭無以報願帥妻子供掃
除彥修謝曰吾視汝爲韓王孫第進一飯如使吾食而報
謂初心何復給資斧以歸無德色諸掌計因遺筴收責温
台久之不償將訟司市彥修至力止之曰嬴則不貸貸則
不贏重以歲凶索之何益馮驩俠客猶能歸德孟嘗公等
休矣吾不遑椎牛召客第聚券燔之蓋自當室以來無一
不善乃今壽止此耳爲善者得無懼乎彥修無常師中歲

師言白貞白之言曰天喪彥修而力學者倦矣吾邑中
率以貲入太學大都左講習而右游閑是夫起膏腴習柔
曼籍令以詩書爲糟粕以佔畢爲夏畦則今之恣恣者皆
是也彥修以長子主噐日應祠廟宗族親戚賓客之事事
百端蚤起必手一卷琅玕有聲至日高春乃始盥櫛應務
歲大比不復問家務笈而東背城借一昔在戊子喪而
士忠彥修歆泣自傷必竟試而後反是歲二月四之吳從
孫太史游或察其色不華戒以勿亟對曰善崦嵫之日也
何惜末光往來毗陵震澤間旁求砥礪入夏病矣病得之

勞而中滿猶孳七無奪心及妻子卽次奉之歸旬日而逝
甚矣彥修之篤學也乃今已矣彼躋足而子進者不亦郊
步乎哉郡有劉生者好游士也生之言曰天喪彥修而郡
中無喜客者故武毅邇聲伎將築舍里東未及拮据而武
毅卽世彥修承考氏業拓而爲園中園治四望樓招致上
客近則婚氏程司徒師氏汪司馬弟行父仲淹仲嘉遠則
戚少保秦秩宗王侍中戴司理時見客雖居董守公彭令
公宇下兩公亦皆折節過之司馬館焉諸豪氏雲集應門
肅客客至如歸卽日從大人游言不越樽俎望不及寵靈

自彥修亡共或有代興者吾未之見也余惟五宗六屬不
失其爲親親貞白授受一心得其學已劉生達者故得其
游自吾得彥修而吾門多力學篤行通方之士乃今中路
見倍豈人道詘耶抑亦天道爽耶季秋壬午諸子舉彥修
之喪藁葬西川之原蓋吉士也諸子請予誌彥修墓且銘
之余故習彥修三氏之言徵諸益信卽藁葬非古也余既
爲誌遂爲銘銘曰昔也銘銘而翁今也銘銘而躬繫而翁
萬夫雄丁而躬乃有終彼枵腹而腹王寧用冲毋用壯納
羣汗海爲量嶽且柔往有尙強未仕日教風而夜自得

師恢皇塗清且夷良在茲毋失時志不衰亦第上與疾歸
竟不起仁也孤首故里潭之濱豐之汜於乎其斯
修之脫屣時嘉靖辛卯夏五月己丑通議大夫兵部右侍
郎通家生汪道昆撰

黃彥

黃仲述公墓表


新安黃處士卒且塋其孤華具事狀謁予泣拜請表將刻
石墓道以昭潛德以垂不朽其孝可嘉也按狀處士諱正
祥字仲述世居歛之潭渡高祖志道嘗任烏程教諭歷諸
暨州學正曾祖貴和祖士亨父彥正俱隱德弗耀母孺人
績溪孔林汪氏有賢行生處士與兄仲原仲禧仲旭俱以
弱齡遭時中窘累經憂患歷涉艱難服賈服農不遑暇逸
蚤歲兄弟互相戒飭孜孜勤儉誓以撐持門戶不替前人
家聲爲已任雖值困窮好賢歎賓會不少懈自是家聲甚

黃氏宗譜
卷二
振一日處士謂兄仲禧等曰吾家先世積善相承致有今日吾輩不可徒爲溫飽計因遣其子華來從予游華克承厥志學業有成遂領成化乙酉京闈鄉薦處士會合姻族與兄仲禧等曰吾兄弟幼失怙恃險阻艱難備嘗之矣慙兢兢焉惟恐墜失前人家聲今幸有子若華輩得預科目繼承之責有所託矣幸相與益勉之成化辛丑華登進士第授金谿縣合便道過家時惟處士一人在堂乃謂華曰汝今得中甲科皆由祖宗累世積德所致第仲禧伯父等不及見乃吾所最恨者汝當由是益加自奮期于遠大則

逝者當瞑目于地下矣華受命惟謹成化甲辰自朝覲歸
省處士喜因命置酒會族暨里中耆舊于時壺觴盡情竟
日忘倦處士之心慰矣處士平生和氣與物無忤心直性
剛非義非道不苟取與性善調人之急每見里中細民鰥
寡孤獨不相聯屬者恒命其子華等傾囊濟之華等亦祇
承無忽晚歲刼造室廬傳于後嗣嘗結茅黃山募工鋤植
樹木今已成林而處士謝世實成化甲辰八月初九日申
時生以永樂己丑七月二十九日辰時享年七十有六配
孺人朱方徐氏克修婦道內助稱賢子男二人長名雄娶

槐塋程氏次卽華娶潛口汪氏女一適胡禧孫男三瓊琪
瑤孫女長容納聘鄭楷處士之塋以成化乙巳十二月十
三日辰時墓在歙北鳳凰村律充原萬羅山之右於平積
善者必有後處士雖歿有子如華聰明俊偉其存心操行
遠過于人將來陟崇躋顯功業未量則朝廷推恩錫秩光
賁于身後者寧有旣乎予故爲之表以俟成化丙午春三
月榮祿大夫少保吏部尙書兼謹身殿大學士致仕淳安

商輅弘載譔



未嘗出已意爲是非第擇善而從禁之以禮諭之以義故

兩競悅服邑侯擇耆德爲保正約正咸以公爲首公不偏
不隨先勸教而後誚讓里人有過至恐聞于公者此元方

可作矣比年悉謝世事日偕知交觴詠自適暇則汎覽群

史焚香一爐煮茶一壺泊然若將忘世者卒特享年七十
有七子一循祖孫男三世臣世德世憲曾孫男二

